

志第一

晉書十一

唐太宗文皇帝

御撰

天文上

天體

儀象

天文經星



二十八舍

二十八宿外星

天漢起沒

十二次度數

州郡躔次

昔在庖犧觀象察法以通神明之德以類天地之情  
可以藏往知來開物成務故易曰天垂象見吉凶聖  
人象之此則觀乎天文以示變者也尚書曰天聰明  
自我民聰明此則觀乎人文以成化者也是故政教  
兆於人理祥變應乎天文得失雖微罔不昭著然則



三皇黃帝七曜順軌日月無薄蝕之變星辰歷錯亂  
之妖黃帝創受河圖始明休咎欽其星傳尚有存焉  
降在高陽乃命南正重司天北正黎司地爰泊帝啓  
亦式序三辰唐虞則羲和繼軌有夏則昆吾紹德年  
代歷邈文籍靡傳至于殷之巫咸周之史佚格言遺  
記于今不朽其諸侯之史則魯有梓慎晉有卜偃鄭  
有裨灶宋有子華齊有甘德楚有唐昧趙有尹皋魏  
有石申夫皆掌著天文各論剖驗其巫咸甘石之說  
後代所宗蔡邕增書六經災滅天官星書存而不毀  
爰漢景武之際司馬談父子繼爲史官著天文書以  
明天人之道其後中壘校尉劉向廣洪範災條作皇  
極論以參往之行事及世間以漢史爲遷續述天文  
而蔡邕燕周各有撰錄司馬彪採之以繼前志今詳  
衆說以著于篇

古言天者有三家一曰蓋天二曰宣夜三曰渾天漢  
靈帝時蔡邕於朔方上書言宣夜之學絕無師法周  
髡術數具存考驗天狀多所遺失惟渾天近得其情  
今史官候臺所用銅儀則其法也立八人負體而其  
天地之形以正黃道占察發歛以行日月以步五緯  
精微深妙百代不易之道也官有其器而無本書前



志亦闕蔡邕所謂周髀者即蓋天之說也其本庖犧  
氏立周天歷度其所傳則周公受於殷商周人志之  
故曰周髀髀股也股者表也蓋天似蓋笠地法覆  
盤天地之中高外下北極之下爲天地之中其地最  
高而滂沲四墮三光隱映以爲晝夜天中高於外衡  
冬至日之所在六萬里北極下地高於外衡下地亦  
六萬里外衡高於北極下地二萬里天中隆高相從  
日去地恒八萬里日麗天而平轉分冬夏之間日南  
行道爲七衡六間每衡周經一萬里行用句股  
重差推晷影極游以爲遠近之數於表股者也

故曰周髀又周髀家云天負如張蓋地方如基石  
旁轉如推磨而左行日月右行隨天左轉故日月實  
東行而天牽之以西沒譬之於蟻行磨石之上磨左  
旋而蟻右去磨疾而蟻在故不得不隨磨以左迴焉  
天形南高而北下日出尚故見日入下故不見天之  
居如倚蓋故極在人北是其證也極在天之中而今  
在人北所以知天之形如倚蓋也日朝出陽中暮入  
陰中陰氣暗冥故沒不見也夏時陽氣多陰氣少陽  
氣光明與日同輝故日出即見無蔽之者故夏日長  
也冬天陰氣多陽氣少陰氣暗冥掩日之光雖出猶



國子監外  
隱不見故冬日短也宵夜之書云惟漢以  
記先師相傳云天了無所仰而瞻之高遠  
精絕故蒼蒼然也察之深谷而察其真色  
而察其真色而察其真色而察其真色也  
日月與星自天而  
是以士程或遊之  
由乎無所根繫故  
不與衆星而遊也  
十三度是法  
不得爾也成帝咸  
自是而善因宵夜之說

天論以爲天高窮於無窮地深測於不測天際乎在  
上有常安之形地魄焉在下有居靜之體當相器冒  
方則俱方員則俱員無方員不同之義也其光曜布  
列各自運行猶江海之有潮汐萬品之有行藏也葛  
洪聞而譏之曰苟辰宿不麗於天天爲無用便可言  
無何必復云有之而不動乎由此而談稚川可謂知  
言之選也虞喜族祖河間相聳又立穹天論云天形  
穹隆如雞子幕其際周接四海之表浮于元氣之上  
譬如覆奩以抑水而不沒者氣充其中故也日繞辰  
極沒西而還東不出入地中天之有極猶蓋之有斗

萬曆三年

卷之六

四

易正文 四百七



也天北下於地三十度極之傾在地卯酉之北亦三十度人在卯酉之南十餘萬里故斗極之下不爲地中當對天地卯酉之位耳日行黃道繞極極北去黃道百一十五度南去黃道六十七度二至之所舍以爲長短也吳太常姚信造昕天論云人爲靈蠢形最似天今人顧前多臨智而項不能覆背近取諸身故知天之體南低入地北則偏高又冬至極低而天運近南故日去人遠而斗去人近比天氣至故冰寒也夏至極起而天運近北故斗去人遠日去人近南天氣至故蒸熱也極之立則日行地中淺故夜短天去

地高故晝長也極之低時日行地中深故夜長天去地下淺故晝短也自虞喜虞聿姚信皆好奇徇異之說非極數談天者也至於渾天理妙學者多疑漢王仲任據蓋天之說以駁渾儀云舊說天轉從地下過今掘地一丈輒有水天何得從水中行乎甚不然也日隨天而轉非入地夫人目所望不過十里天地合矣實非合也遠使然耳今視日入非入也亦遠耳當日入西方之時其下之人亦將謂之爲中也四方之人各以其近者爲出遠者爲入矣何以明之今試使一人把大炬火夜半行於平地去人十里火光滅矣



國子監刊  
非滅也遠使然耳今日西轉不復見是火滅之類也  
日月不負也望視之所以負者去人遠也夫日火之  
精也月水之精也水火在地不負在天何故負故丹  
楊葛洪釋之曰渾天儀注云天如雞子地如雞中黃  
孤居於天內天大而地小天表裏有水天地各乘氣  
而立載水而行周天三百六十五度四分度之一又  
中分之則半覆地上半繞地下故二十八宿半見半  
隱天轉如車轂之運也諸論天者雖多然精於陰陽  
者張平子陸公紀之徒咸以爲惟步七曜之道度歷  
象昏明之證候校以四八之氣考以兩刻之分占晷

景之往來求形驗於事情莫密於渾象者也張平子  
既作銅渾天儀於密室中以漏水轉之今伺之者閉  
戶而唱之其伺之者以告靈臺之觀天者曰璇璣所  
加某星始見某星已中某星今沒皆如合符也崔子  
玉爲其碑銘曰數術窮天地制作侔造化高才偉藝  
與神合契蓋由於平子渾儀及地動儀之有驗故也  
若夫果如渾者則天之出入行於水中爲的然矣故  
黃帝書曰天在地外水在天外水浮天而載地者也  
又易曰時乘六龍夫陽爻稱龍龍者居水之物以喻  
天天陽物也又出入水中與龍相似故以龍比也聖



人仰觀俯察審其如此故晉卦坤下離上以證日出於地也又明夷之卦離下坤上以證日入於地也需卦乾下坎上此亦天入水中之象也天爲金金水相生之物也天出入水中當有何損而謂爲不可乎故桓君山曰春分日出卯入酉此乃人之卯酉天之卯酉常值斗極爲天中今視之乃在比不正在人上而春秋分時日出入乃在斗極之南若如磨右轉則北方道遠而南方道近晝夜漏刻之數不應等也後奏事待報坐西廊廡下以寒故暴背有頃日光出去不復暴背君山乃告信蓋天者曰天若如推磨右轉而

日西行者其光景當照此廊下梢而東耳不當拔出去拔出去是應渾天法也渾爲天之真形於是可知矣然則天出入水中無復疑矣又令視諸星出於東者初但去地小許耳漸而西行光經人上後遂西轉而下焉不旁旋也其先在西之星亦梢下而沒無北轉者日之出入亦然若謂天磨右轉者日之出入亦然衆星日月宜隨天而迴初在於東次經於南次到於西次及於北而復還於東不應橫過去也今日出於東冉冉轉上及其入西亦復漸漸稍下都不繞邊北去了了如此王生必固謂爲不然者疏矣今日經



千里圍周三千里中足以當小星之數十也若日以轉遠之故但當光曜不能復來照及人耳宜猶望見其體不應都失其所在也日光既盛其體又大於星多矣今見極北之小星而不見日之在北者明其不比行也若日以轉遠之故不復可見其北入之間應當稍小而日方入之時乃更大此非轉遠之徵也王生以火炬喻日吾亦將借子之矛以刺子之楯焉把火之去人轉遠其光轉微而日月自出至入不漸小也王生以火喻之謬矣又日之入西方視之稍稍去初尚有半如橫破鏡之狀須臾淪沒矣若如王生之

言日轉北去有半者其北都沒之頃宜先如豎破鏡之狀不應如橫破鏡也如此言之日入西方不亦孤乎又月之光微不及日遠矣月盛之時雖有重雲蔽之不見月體而夕猶朗然是光猶從雲中而照外也日若繞西及北者其光故應如月在雲中之狀不得夜便大暗也又日入則星月出焉明知天以日月分主晝夜相代而照也若日常出者不應日亦入而星月亦出也又按河洛之文皆云水火者陰陽之餘氣也夫言餘氣也則不能生日月可知也顧當言日陽精生火者可耳若水火是日月所生則亦何得盡



如日月之貞乎今火出於陽燧陽燧貞而火不貞也  
水出於方諸方諸方而水不方也又陽燧可以取火  
於日而無取日於火之理此則日精之生火明矣方  
諸可以取水於月而無取月於水之道此則月精之  
生水了矣王生又云遠故視之貞若審然者月初生  
之時及既虧之後何以視之不自乎而日食或上或  
下從側而起或如物至畫若遠視見貞不宜見其殘  
缺左右所起也此則渾天之理信而有徵矣

### 儀象

新天書曰在璇璣玉衡以齊七政考靈曜 分寸之製

代天氣生以制方貞方貞以成參以規矩昏明主時  
乃命中星觀玉儀之游鄭玄謂以玉為渾儀也春秋  
文曜鉤云唐堯即位羲和立渾儀此則儀象之設其  
來遠矣緜代相傳史官禁密學者不覩故宣蓋沸騰  
暨漢太初洛下閎鮮于妄人耿壽昌等造貞儀以考  
歷度後至和帝時賈逵繫作又加黃道至順帝時張  
衡又制渾象具內外規南北極黃赤道列二十四氣  
二十八宿中外星官及日月五緯以漏水轉之於殿  
上室內星中出沒與天相應因其闢戾又轉瑞輪莫  
莢於堦下隨月虛盈依歷開落其後陸續亦造渾象



至吳時中常侍廬江王蕃善數術傳劉洪軋象歷依其法而制渾儀立論考度曰前儒舊說天地之體狀如鳥卵天包地外猶殼之裹黃也周旋無端其形渾渾然故曰渾天也周天三百六十五度五百八十九分度之百四十五半覆地上半在地下其二端謂之南極北極北極出地三十六度南極入地三十六度兩極相去一百八十二度半彊統北極徑七十二度常見不隱謂之上規統南極七十二度常隱不見謂之下規赤道帶天之絃去兩極各九十一度少彊黃道日之所行也半在赤道外半在赤道內與赤道東

者去赤道二十四度斗二十一度是也其入赤道內極遠者亦二十四度井二十五度是也日南至在斗二十一度去極百一十五度少彊是也日晡南去極最遠故景最長黃道斗二十一度出辰入申故日亦出辰入申日晝行地上百四十六度彊故日短夜行地下二百一十九度少弱故夜長自南至之後日去極稍近故景稍短日晝行地上度稍多故日稍長夜行地下度稍少故夜稍短日所在度稍北故日稍北以至於夏至日在井二十五度去極六十七度少彊是



日北去極最近景最短黃道并一十度出寅入  
戌故日亦出寅入戌日晝行地上有二十一度少  
弱故日長夜行地下有四十六度晝短夜長夏至  
之後日去極稍遠故晝稍長日晝行地上有二十  
日稍短夜行地下有度稍多故夜稍長日晝行南  
故日出入稍南以至於至南極後物晝長二十度  
二十五南北相傾四十五度春分日在奎十四少疆  
秋分日在角五少疆此二日晝夜均等也去極俱  
九十一度少疆下北極上南極此二日晝夜均等  
言二三至天每行一三度晝夜均等也去極俱  
八酉故曰晝

出卯入酉日晝行地上夜行地下俱百八十二度半  
疆故日見之漏五十刻不見之漏五十刻謂之晝夜  
同夫天之晝夜以日出沒為分人之晝夜以昏明為  
限日未出二刻半而明日入二刻半而昏故損夜五  
刻以益晝是以春秋分漏晝五十五刻三光之行不  
必有常術術家以筭求之各有同異故諸家歷法參  
差不齊洛書甄曜度春秋考異郵皆云周天一百七  
萬一千里一度為二千九百三十二里七十一步二  
尺七寸四分四百八十七分分之三百六十二陸續  
云天東西南北徑三十五萬七千里此言周三徑一



也考之徑一不啻周二率周百四十二而徑四十五  
則天徑三十二萬九千四百一里一百二十二步二  
尺二寸一分七十一分分之十周禮日至之景尺有  
五寸謂之地中鄭衆說土圭之長尺有五寸以夏至  
之日立八尺之表其景與土圭等謂之地中今潁州  
陽城地也鄭玄云凡日景於地千里而差一寸景尺  
有五寸者南戴日下萬五千里也以此推之日當去  
其下地八萬里矣日邪射陽城則天徑之半也體員  
如彈丸地處天之半而陽城為中則日春夏秋冬夏昏  
明晝夜去陽城皆等無盈縮矣故知從日邪射陽城

為天徑之半也以句股法言之旁萬五千里句也  
八極萬里股也從日邪射陽城茲也以句股求茲法  
入之得八萬一千三百九十四里三十步五尺三寸  
六分天徑之半而地上去天之數也倍之得十六萬  
二千七百八十八里六十一步四尺七寸二分天徑  
之數也以周率乘之徑率約之得五十一萬三千六  
百八十七里六十八步一尺八寸二分周天之數也  
減慨曜度考異郵五十五萬七千三百一十二里有  
奇一度凡千四百六里二十四步六寸四分十萬七  
千五百六十五分分之萬九千四十九減崔暉度千五



百二十五里二百五十六步三尺三寸二十一萬五千一百三十分分之十六萬七百三十分黃赤二道相與交錯其間相去二十四度以南儀推之二道俱三百六十五度有奇是以知天體貞如彈丸也而陸續造渾象其形如烏卵然則黃道應長於赤道矣績云天東西南北徑三十五萬七千里然則績亦以天形正貞也而渾象為烏卵則為自相違背古舊渾象以二分為一度凡周七尺三寸半分張衡更制以四分為一度凡周一丈四尺六寸蕃以古制局小星辰測概衡器傷大難可轉移更制渾象以三分為一度

凡周天一丈九寸五分之三也

天文經星

洪範傳曰清而明者天之體也天忽變色是謂易常天裂陽不足是謂臣彊天裂見人兵起國亡天鳴有聲至尊憂且驚皆亂國之所生也馬績云天文在圖籍昭昭可知者經星常宿中外官凡一百一十八名積數七百八十三皆有州國官宮物類之象張衡云文曜麗乎天其動者有七日月五星是也日者陽精之宗月者陰精之宗五星五行之精衆星列布體生於地精成於列列居錯峙各有攸屬在野象物在朝



象官在人象神其以神差有五列焉是爲三十五名  
一居中央謂之北斗四布於方各七爲二十八舍日  
月運行歷示吉凶五緯躔次用告禍福中外之官常  
明者百有二十四可名者三百二十爲星二千五百  
微星之數蓋萬有一千五百二十庶物蠢蠢咸得繫  
命不然何得總而理諸後武帝時太史令陳卓總甘  
石巫咸三家所著星圖大凡二百八十三官一千四  
百六十四星以爲定紀今略其昭昭者以備天官云  
中宮

北極五星

中北極北辰最尊者

也其紐星天之樞也天運無窮三光迭耀而極星不  
移故曰居其所而衆星拱之第一星主月太子也第  
二星主日帝王也亦太乙之坐謂最赤明者也第三  
星主五星庶子也中星不明主不用事右星不明太  
子憂鉤陳後宮也大帝之正妃也大帝之帝居也北  
四星曰女御宮八十一御妻之象也鉤陳口中一星  
曰天皇大帝其神曰耀魄寶主御羣靈執萬神圖抱  
北極四星曰四輔所以輔佐北極而出度授政也太  
帝上九星曰華蓋所以覆蔽大帝之坐也蓋下九星  
曰杠蓋之柄也華蓋下五星曰五帝內坐設叙順帝



所居也客星犯紫宮中坐大臣犯主華蓋杠旁六星  
曰六甲可以分陰陽而配節候故在帝旁所以布政  
教而授農時也極東一星曰柱下史主記過左右史  
此之象也柱史北一星曰女史婦人之微者主傳漏  
故漢有侍史傳舍九星在華蓋上近河賓客之館主  
胡人入中國客星守之備姦復亦曰胡兵起傳舍南  
河中五星曰造父御官也一曰司馬或曰伯樂星亡  
馬大貴其西河中九星如鉤狀曰鉤星直則地動天  
一星在紫宮門右星南天帝之神也主戰鬪知人吉  
凶者也太一星在天一南相近亦天帝神也主使十

六神知風雨水旱兵革飢饉疾疫災害所在之國也  
紫宮垣十五星其西蕃七東蕃八在北斗北一曰紫  
微大帝之坐也天子之常居也主命主度也一曰長  
垣一曰天營一曰旗星爲善備備蕃臣也宮闕兵起  
旌旗星直天子出自將宮中兵東垣下五星曰天柱  
建政教懸圖法門內東南維五星曰尚書主納言風  
夜諮謀龍作納言此之象也尚書西二星曰陰德陽  
德主周急振撫宮門左星內二星曰大理主平刑斷  
獄也門外六星曰天牀主寢舍解息燕休西南角外  
三星曰內厨六宮之內飲食王后妃夫人與太子宴



國子監刊  
欽東北維外六星曰天府主盛饌北斗七星在太微  
北七政之樞機陰陽之元本也故運乎天中而臨制  
四方以建四時而均五行也魁四星為璇璣杓三星  
為玉衡又曰斗為人君之象號令之主也又為帝車  
取乎運動之義也又魁第一星曰天樞二曰璇三曰  
璣四曰權五曰玉衡六曰開陽七曰搖光一至四為  
魁五至七為杓樞為天璇為地璣為人權為時玉衡  
為音開陽為律搖光為星石氏云第一曰正星主陽  
德天子之象也二曰法星主陰刑女主之位也三曰  
令星主中禍四曰伐星主天理伐無道五曰殺星主

中央助四旁殺有罪六曰危星主天倉五穀七曰部  
星亦曰應星主兵又一主天二主地三主火四主水  
五主土六主木七主金又曰一主秦二主楚三主梁  
四主吳五主燕六主趙七主齊魁中四星為貴人之  
牢曰天理也輔星傳乎開陽所以佐斗成功丞相之  
象也七政星明其國昌輔星明則臣彊杓南三星及  
魁第一星西三星皆曰三公主宣德化調七政和陰  
陽之官也

文昌六星在北斗魁前天之六府也主集計天道一  
曰上將大將軍建威武二曰次將尚書正左右三曰



貴相太常理文緒四曰司祿司中司隸賞功進五曰  
司命司怪太史主滅咎六曰司寇大理佐理實所謂  
一者起北斗魁前近內階者也明潤大小齊天瑞臻  
文昌北六星曰內階天皇之階也相一星在北斗南  
相者總領百司而掌邦教以佐帝王安邦國集衆事  
也其星明吉太陽守在相西大將大臣之象也主戒  
不虞設武備西北四星曰勢勢腐刑人也天牢六星  
在北斗魁下貴人之牢也太微天子庭也五帝之座  
也十二諸侯府也其外蕃九卿也一曰太微爲衡衡  
主平也又爲天庭理法平辭監升授德列宿受符諸

神考節舒情稽疑也南蕃中二星間曰端門東曰左  
執法廷尉之象也西曰右執法御史大夫之象也執  
法所以舉刺凶姦者也左執法之東左掖門也右執  
法之西右掖門也東蕃四星南第一曰上相其北東  
太陽門也第二星曰次相其北中華東門也第三星  
曰次將其北東太陽門也第四星曰上將所謂四輔  
也西蕃四星南第一星曰上將其北西太陽門也第  
二星曰次將其北中華西門也第三星曰次相其北  
西太陽門也第四星曰上相次亦曰四輔也東西蕃  
有芒及動搖者諸侯謀執法移刑罰尤急月五星入



國子監刊  
太微軌道吉其所犯中坐成刑其西南角外三星曰  
明堂天子布政之宮明堂西三星曰靈臺觀臺也主  
觀雲物察符瑞候災變也左執法東北一星曰謁者  
主贊賓客也謁者東北三星曰三公內坐朝會之所  
居也三公北三星曰九卿內坐治萬事九卿西五星  
曰內五諸侯內侍天子不之國也辟雍之禮得則太  
微諸侯明

黃帝坐在太微中舍樞紐之神也天子動得天度止  
得地意從容中道則太微五帝坐明以光黃帝坐不  
明人主求賢士以輔法不然則奪勢四帝星俠黃帝

坐東方蒼帝靈威仰之神也南方赤帝赤熒怒之神  
西方白帝白招矩之神也北方黑帝叶光紀之神也  
五帝坐北一星曰太子帝儲也太子北一星曰從官  
侍臣也帝坐東北一星曰幸臣屏四星在端門之內  
近右執法屏所以壅蔽帝庭也執法主刺舉臣尊敬  
君上則星光明潤澤郎位十五星在帝坐東北一曰  
依烏郎府也周官之元士漢官之光祿中散諫議議  
郎三署郎中是其職也郎主守衛也其星不具后妃  
死幸臣誅星明大及客星入之大臣爲亂郎將在郎  
位北主閱具所以爲武備也武賁一星在太微西蕃



北下名南靜室旄頭之騎官也常陳七星如畢狀在  
帝坐北天子宿衛武賁之士以設彊禦也星搖動天  
子自出明則武兵用微則兵弱三台六星兩兩而居  
起文昌列抵太微一曰天柱三公之位也在人曰三  
公在天曰三台主開德宣符也西近文昌二星曰上  
台為司命主壽次二星曰中台為司中主宗室東二  
星曰下台為司祿主兵所以昭德塞違也又曰三台  
為天階太一躡以上下一曰泰階上階上星為天子  
下星為女主中階上星為諸侯三公下星為卿大夫  
下階上星為士下星為庶人所以和陰陽而理萬物

也君臣和集如其常度有變則占其人南四星曰內  
平近職執法平罪之官也中台之北一星曰太尊貴  
戚也

攝提六星直斗杓之南主建時節伺機祥攝提為楯  
以夾擁帝座也主九卿明大三公恣客星入之聖人  
受制西三星曰周鼎主流亡大角在攝提間大角者  
天王座也又為天棟正經紀也北三星曰帝席主宴  
獻酬醉北三星曰懷天才也一曰天鋒主胡兵又  
為喪故其變動應以兵喪也星亡其國有兵謀其北  
一星曰招搖一曰才循其北一星曰玄戈皆主胡兵



國子監刊  
占與梗河略相類也招搖與北斗杓間曰天庫星去其所則有庫開之祥也招搖欲與棟星梗河北斗相應則胡兵當來受命於中國玄戈又主北夷客星守之胡人敗天槍三星在北斗杓東一曰天滅天之武備也故在紫宮之左在所以禦難也女牀三星在紀星北後宮御也上女事大將五星在女牀北天子先驅也主分爭與國儲兵亦所以禦難也槍杓皆所以備兵也一星不具其國兵起東七星曰法宮盛桑之器上槍也七公七星在招搖東天之宿也三公之象也主七政其象九星在其前幾

人之牢也一曰連索一曰連營一曰天牢主法律禁暴彊也牢口一星為門欲其閉也九星皆明天下獄煩七星見小赦六星五星大赦動則斧鑕用中空則更元漢志云十五星天紀九星在貫索東九卿也主萬事之紀理怨訟也明則天下多辭訟亡則政理壞國紀亂散絕則地震山崩織女三星在天紀東端天女也主果蓏絲帛珍寶也王者至孝神祇咸喜則織女星俱明天下和平大星怒角布帛貴東足四星曰漸臺臨水之臺也主祭漏律呂之事四星五星曰輦道王者嬉游之道也漢輦道通南北宮其象也左右



角間二星曰平道之官平道西一星曰進賢主卿相  
舉逸才亢東咸西咸各四星在房心北日月五星之  
道也房之戶所以防佚淫也星明則信吉月五星犯  
守之有陰謀鍵閉一星在房東北鉤鈐主關籥天市  
垣二十二星在房心東北主權衡主聚衆一曰天旗  
庭主斬戮之事也市中星衆潤澤則歲實熒惑守之  
戮不忠之臣彗星除之爲徙市易都客星入之兵大  
起出之有貴喪帝坐一星在天市中星西天庭也光  
而潤則天子吉威令行狹一星在帝坐東北主何陰  
陽也明大輔臣疆國安亡則主失

位移則不安宦者四星在帝坐西南侍主刑餘之人  
也星微吉非其常宦者有憂宗正一星在帝坐東南  
宗大夫也彗星守之若失色宗正有事客星守之更  
號令也宗人四星在宗正東主錄親疎享祀族人  
有  
序則如綺文而明正動則天子親屬有變客星守之  
貴人死宗星二在候星東宗室之象帝輔而脉之臣  
也客星守之宗支不和夫江四星在尾北主太陰江  
星不具天下津河關道不通明若動握大水出大兵  
起參差則馬貴熒惑守之有立主客星入之河津絕  
天籥八星在鹵斗柄西主關閉建星六星在南斗北



亦曰天旗天之都關也為謀事為天鼓為天馬南二  
星天庫也中央二星市也鉄鑛也上二星旗附也斗  
建之間三光道也星動則衆勞月暈之蛟龍見牛馬  
瘦月五星犯之大臣相譖有謀亦為關梁不通有大  
水東南四星曰狗國主鮮卑烏丸沃且癸惑守之外  
夷為變狗國北二星曰天雞主候時天辯九星在建  
星北市官之長也以知市珎也星欲明吉其星犯守  
之糴貴囚徒起兵河鼓三星旗九星在牽牛北天鼓  
也主軍鼓主鉄鉞一曰三武主天子三將軍中央大  
星為大將軍左星為左將軍右星為右將軍左星為

星也所以備關梁而距難也設守四險知謀徵也旗  
即天鼓之旗所以為柱表也左旗九星在鼓右旁鼓  
欲正直而明色黃光澤將吉不正為兵憂也星怒馬  
貴動則兵起曲則將失計奪勢旗星度亂相陵旗  
端四星南北列曰天桴鼓桴也星不明漏刻失時前  
近河鼓右桴鼓相直皆為桴鼓用離珠五星在湏女  
北湏女之藏府女子之星也天津九星橫河中一曰  
天漢一曰天江上四瀆津梁所以度神通四方也一  
星不備津關道不通騰蛇二十二星在營室北天蛇  
也主水蟲王良五星在奎北若河中天子奉中御官



也其四星曰天駟旁一星曰王良亦曰天馬其星動為策馬策車騎滿野曰梁為大橋上禦風雨水道故或占車騎或占津梁客星守之橋不通道前一星曰策星王良之御策也主天子之僕在王良旁若移在王良前居馬後是謂策馬則車騎滿野閣道六星在王良前飛道也從紫宮至河神所夾也一曰閣道星天子游別宮之道也傳路一星在閣道南旁別道也東辟北一星曰天旆上馬之官若今驛亭也主傳一星在閣道南旁別道也

一星曰軍南門上誰何出入太陵八星在胃北亦曰積京主大喪也積京中星衆則諸侯有喪民多疾兵起太陵中一星曰積水候水災船一曰川星所以濟不通也中一星曰積水候水災昂西二星曰天街三光之道主何倣關梁中外之境卷舌六星在昂北主口語以知倣讒也曲舌而動天下有口舌之害中一曰大德上坐騎五中五星三村九星在畢北五中者五帝中舍也五帝坐也上天子五兵一曰十五穀豐耗西北大星曰大庫主太白土秦次東北星曰獄土辰星主趙次東星曰天倉

嘉靖庚午年 晉書 卷之十一 協理生參伯思刊



土歲星主魯衛次東南星曰司空主墳星主楚次西  
南星曰卿星主吳越主魏五星有變皆以其所主古  
之三柱一曰三泉天子得靈奉之禮則五車一柱均  
明有常其中五星曰天潢大潢南三星曰成池魚圉  
也月五星入天潢兵起道不通天下亂五車南六星  
曰諸王察諸侯存亡其西八星曰八穀主候歲八穀  
一星亡一穀不登天關一星在五車南亦曰天門日  
月之所行也土遊星主關閉其前有兵五星守之貴  
人多死東井鉞前四星曰司怪主候天地日月星辰  
變異及鳥獸草木之妖明主開災脩德保福也司怪

西北九星曰坐旗君臣設也太也坐旗西四星曰  
天高臺榭之高主遠遊天高西一星曰天河主  
察山林妖變南河北河各三星次東井一曰天高之  
關門也土關梁南河曰南戍一曰南宮一曰陽門一  
曰越門一曰權星主火北河曰北戍一曰北宮一曰  
陰門一曰胡門一曰衡星主水兩河戍間日月五星  
之常道也河戍動搖中國兵起南河南三星曰闕丘  
主宮門外象魏也五諸侯五星在東井北主刺舉戒  
不虞又曰理陰陽察得失亦曰主帝心一曰帝師二  
曰帝友三曰三公四曰博士五曰太史此五者常為



帝定於歲星明大則澤則天下大治若用則禍在中  
五諸侯南三星曰天樽主成饌粥以給貧餓積水一  
星在比河西北水河也所以供酒食之正也積薪一  
星在積水東北供庖厨之正也水位四星在積薪東  
主水衡客星若水火守犯之百川流溢軒轅主七星  
在七星北軒轅黃帝之神黃龍之體也后妃主七  
職也一曰東陵一曰權星主雷雨之神南大星女主  
也次北一星夫人也星北主將也次北一星妃也次  
將也其次諸星皆次妃也南小星女御也  
左一星少民后宗也右一星人民太后宗也欲其色

黃小而明也軒轅右角南三星曰酒旗酒官之旗也  
主饗宴飲食五星曰酒旗天下大醜有酒肉財物賜  
若爵宗室酒旗南三星曰天相丞相之象也軒轅西  
四星曰燿燿者烽火之燿也邊亭之警候燿北四星  
曰內平平罪之官明刑罰少微四星在太微西士大  
夫之位也一名處士亦天子副主或曰博士官一曰  
主衛掖門南第一星處士第二星議士第三星博士  
第四星大夫明大而黃則賢士舉也月五星犯之處  
士女主愛宰相易南四星曰長垣主界域及胡夷熒  
惑入之胡入中國太白入之九卿謀



二十八舍

東方角二星爲天關其間天門也其內天庭也故黃道經其中七曜之所行也左角爲天田爲理主刑其南爲太陽道右角爲將主兵其北爲太陰道蓋天之三門猶房之四表其星明大王道太平賢者在朝動搖移徙王者行亢四星天子之內朝也揔攝天下奏事聽訟理獄錄功者也一曰䟽廟主疾疫星明大輔納忠天下寧氏四星王者之宿宮后妃之府休解之房前二星適也後二星妾也後二星大則臣奉度房四星爲明堂天子布政之宮也亦四輔也下第一星

上將也次次將也次次相也上星上相也南二星君位北二星夫人位又爲四表其間爲天衢爲天關黃道之所經也南間曰陽環其南曰太陽北間曰陰間其北曰太陰七曜出乎天衢則天下平和由陽道則早喪由陰道則水兵亦曰天駟爲天馬主車駕南星曰左驂次左服次右服次右驂亦曰天廐又主開閉爲蓄藏之所由也房星明則王者明驂星大則兵起星離民流又北二小星曰鈎鈴房之鈴鍵天之管籥主閉鍵天心也明而近房天下同心鈎鈴間有星及踈坼則地動河清心三星天王正位也中星曰明堂



天子位為大辰主天下之賞罰天下變動心星見祥  
星明大天下同前星為太子後星為庶子心星直則  
王失勢尾九星後宮之場妃后之府上第一星后也  
次三星夫人次星后也第三星傍一星名曰神宮  
解衣之內室尾亦為太子星色欲均明大小相承則  
後宮有叙多子孫箕四星亦後宮妃后之府亦曰天  
津一曰天雞主八風凡日月宿在箕東辟翼軫者風  
起又主口舌主客蠻夷胡貊故蠻胡將動先表箕焉  
北方南斗六星天廟也丞相太宰之位主褒賢進士  
稟授爵祿又主兵一曰天機南二星魁天梁也中央

二星天相也北二星天府庭也亦為壽命之期也將  
有天子之事占於斗斗星盛明王道平和爵祿行牽  
牛六星天之關梁主犧牲事其北二星一曰邸路一  
曰聚火又曰上一星主道路次二星主關梁次三星  
主南越搖動變色則占之星明大王道昌關梁通須  
女四星天少府也須賤妾之稱婦職之卑者也主布  
帛裁製嫁娶虛二星冢宰之官也主北方邑居廟堂  
祭祀祝禱事又主死喪哭泣危三星主天府天市架  
屋餘同虛占墳墓四星屬危之下主死喪哭泣為墳  
墓也營室二星天子之宮也一曰玄宮一曰清廟又



為軍糧之府及土功事是明國昌小不明祠祀鬼神  
不享離宮六星天子之別宮主隱藏休息之所東壁  
二星主文章天下圖書之祕府也是明王者興道術  
行國多君子星尖色大小不同王者好武經士不用  
圖書隱星動則有土功

西方奎十六星天之武庫也曰天豕亦曰封豕主  
以兵禁暴又主溝瀆西南大星所謂天豕目亦曰大  
將欲其明婁二星為天獄主苑牧犧牲供給郊祀胃  
三星天之厨藏主人居廩五穀府也明則和平昴七星  
天之耳也主西方主獄事又為旄頭胡星也昴畢間

為天街天子出旄頭罕畢以前驅此其義也黃道之  
所經也昴明則天下牢獄平昴六星皆明與大星等  
大水七星皆黃兵大起一星亡為兵喪搖動有大臣  
下獄及有白衣之會大而數盡動若跳躍者胡兵大  
起畢八星主邊兵主七獵其大星曰天高一曰邊將  
主四夷之尉也是明大則遠夷來貢天下安失色則  
邊兵亂附耳一星在畢下主聽得失伺憊邪察不祥  
星盛則中國微有盜賊邊候驚外國反移動佞說行  
月入畢多雨腎解三星為三軍之候行軍之歲府葆  
旅收斂萬物明則軍儲盈將得勢參十星一曰參伐



一曰大辰一曰天市一曰鈇鉞主斬刈又為天獄主  
殺伐又主權衡所以平理也又主邊城為九譯故不  
欲其動也參白獸之體其中三星橫列三將也東北  
曰左肩主左將而北曰右肩主右將東南曰左足主  
後將軍西南曰右足主偏將軍故黃帝占參應七將  
中央三小星曰伐天之都尉也主胡鮮卑戎狄之國  
故不欲明七將皆明大天下兵精也王道缺則芒角  
張伐星明與參等大臣皆謀兵起參星失色軍散故  
參芒角動搖邊候有急兵起有斬伐之事參星移客  
伐主參左足入玉井中兵大起秦大水若有雲山不

為怪參星差於王臣武

南方東井八星天之南門黃道所經天之亭侯主水  
衡事法令所取平也王者用法平則井星明而端列鉞  
一星附井之前主伺淫奢而斬之故不欲其明明與  
井齊則用鉞於大臣月宿井有風雨與鬼五星天目  
也主視明察姦謀東北星主積馬東南星主積兵西  
南星主積布帛西北星主積金玉隨變占之中央星  
為積尸主死喪祠祀一曰鈇鉞主誅斬鬼星明大穀  
成不明百姓散鑽欲其忽忽然不明明則兵起大臣  
誅柳八星天之厨宰也主尚食和滋味又主雷雨七



星七星一名天都主衣裳文繡又主急兵盜賊故星  
明王道昌闇則賢良不處天下空張六星主珍寶宗  
廟所用及衣服又主天府飲食嘗饗之事星明則王  
者行五禮得天之中翼二十二星天之樂府俳倡又  
主夷狄遠客負海之賓星明大禮樂興四夷賓動則  
蠻夷使來離徙則天子舉兵軫四星主冢宰輔臣也  
主車騎主載任有軍出入皆占於軫又主風主死喪  
軫星明則車駕備動則車駕用轄星傳軫兩傍主王  
侯左轄為王者同姓右轄為異姓星明兵大起遠軫  
凶轄舉南蠻侵長沙一星在軫之中主壽命明則主  
壽長子孫昌又曰車無轄國有憂轄就聚兵大起  
星官在二十八宿之外者

庫樓十星六大星為庫南四星為樓在角南一曰天  
庫兵甲之府也旁十五星三三而聚者柱也中央四  
小星衡也主陳兵東北二星曰陽門主守隘塞也南  
門二星在庫樓南天之外門也主守兵平星二星在  
庫樓北平天下之法獄事廷尉之象也天門二星在  
平星北亢南七星曰折威主斬殺頓頌二星在折威  
東南主考囚情狀察詐偽也騎官二十七星在氐南  
若天子武貴主宿衛東端一星騎陣將軍騎將也南



三星車騎騎之將也陣車三星左騎官東北車車也  
積卒十二星在房心南主為衛也他星守之近臣誅  
後官二星在積卒西北龜五星在尾南主占以吉凶  
傳說一星在尾後傳說主章祝巫官也魚一星在尾  
後河中主陰事知雲雨之期也杵三星在箕南杵給  
庖春客星入杵曰天下有急練星在箕舌前杵西北  
鼈十四星在南斗南鼈為水蟲歸大陰有星守之白  
衣會主有水令農丈人一星在南斗西南老農主穡  
也狗二星在南斗魁前主吠守天田九星在牛南羅  
堰九星在牽牛東呬馬也以瘞蓄水潦溉渠也九坎

九星在牽牛南坎溝渠也所以導達泉源疏盈瀉溢  
通溝洫也九坎間十星曰天池一曰三池一曰天海  
主灌溉田疇事虛南二星曰哭哭東二星曰泣泣哭  
皆近墳墓泣南十三星曰天蠶城如貫索狀主北夷  
丁零匈奴南二星曰蓋星治宮室之官也其南四星  
曰虛梁園陵寢廟之所也羽林四十五星在營室南  
一曰天軍主軍騎又主翼王也壘壁陣十二星在羽  
林北羽林之垣壘也主軍衛為營壘也五星有在天  
軍中者皆為兵起熒惑太白辰星尤甚北落師門一  
星在羽林西南北者宿在北方也落天之藩落也師



國... 三  
衆也御門猶軍門也長安城北門曰北落門以象此也主非常以候兵有星守之虜入塞中兵起其西北有十星曰天錢北落西南一星曰天綱主武帳北落東南九星曰八魁主張禽獸天倉六星在婁南倉穀所藏也南四星曰天庾積厨粟之所也天困十三星在胃南困倉廩之屬也主給御糧也天廩四星在昴南一曰天層主蓄黍稷以供饗祀春秋所謂御廩此之謂也天苑十六星畢南天子之苑囿養獸之所也苑南十三星曰天階植果菜之所也畢附耳南八星曰天節主使臣之所持者也天節下九星曰九州

絲口曉方俗之官通重譯者也參旗九星在參西一曰天旗一曰天弓主司弓弩之張候變禦難玉井四星在參左足下主水漿以給厨西南九星曰九辟天子之旗也玉井東南四星曰軍井行軍之井也軍井未達將不言渴名取此也軍市十三星在參東南天軍貿易之市使有無通也野雞一星主變怪在軍市中軍市西南二星曰丈人丈人東二星曰子子東二星曰孫東井西南四星曰水府主水之官也東井南垣之東四星四瀆江河淮濟之精也狼一星在東井東南狼爲野將主侵掠色有常不欲動也比七星曰



天狗主守財弧九星在狼東南天弓也主備盜賊常  
 向於狼弧矢動移不如常者多盜賊胡兵大起狼弧  
 張害及胡天下乖亂又曰天弓張天下盡兵弧南六  
 星為天社昔共工氏之子句龍能平水土故祀以配  
 社其精為星老人一星在弧南一曰南極常以秋分  
 之旦見于景春分之夕而沒于丁見則治平主壽昌  
 常以秋分候之南郊柳南六星曰外厨厨南一星曰  
 天紀主禽獸之齒稷五星在七星南稷農正也取平  
 百穀之長以為號也張南十四星曰天廟天子之廟  
 廟也客星守之祠官有憂冀南五星曰東區蠻夷

也軫南二十二星曰器府樂器之府也青丘七星在  
 軫東南蠻夷之國號也青丘西四星曰司空主界  
 域亦曰司徒土司空北二星曰軍門主營候彪尾  
 天漢起沒

天漢起東方經尾箕之間謂之漢津乃分為二道其  
 南經傳說魚天籥天弁河鼓其北經龜貫箕下决絡  
 南斗魁左旗至天津下而合南道乃西南行又分夾  
 瓠瓜絡人星杵造父騰蛇王良傳路閣道北端太陵  
 天船卷舌而南行絡五車經北河之南入東井水位  
 而東南行絡南河闕丘天狗天紀天稷在七星南



十二次度數

十二次班固取三統歷十二次配十二野其言最詳

又有費直說周易蔡邕月令章句所言頗有先後魏

太史令陳卓更言郡國所入宿度今附而次之

自軫十二度至氏四度為壽星於辰在辰鄭之分野

屬兗州費直周易分野壽星起軫七度蔡邕月令章句壽星起軫六度

自氏五度至尾九度為大火於辰在卯宋之分野屬

豫州費直起氏十一度蔡邕起九八度

自尾十度至南斗十一度為析木於辰在寅燕之分

野屬幽州費直起尾九度蔡邕起尾四度

自南斗十二度至須女七度為星紀於辰在丑吳越

之分野屬揚州費直起十一度蔡邕起十一九度

自須女八度至危十五度為玄枵於辰在子齊之分

野屬青州費直起女六度蔡邕起女一度

自危十六度至奎四度為諏訔於辰在亥衛之分野

屬并州費直起危十四度蔡邕起危十度

自奎五度至胃六度為降婁於辰在戌魯之分野屬

徐州費直起奎六度蔡邕起奎八度

自胃七度至畢十一度為大梁於辰在酉趙之分野

屬冀州費直起畢十度蔡邕起畢一度

嘉靖戊午年

晉七

廿日

監生王以煥刊



自畢十二度至東井十五度為寶沈於辰在申魏之

分野屬益州費直起畢九度蔡邕起畢六度

自東井十六度至柳八度為鶉首於辰在未秦之分

野屬雍州費直起井十二度蔡邕起井十度

自柳九度至張十六度為鶉火於辰在午周之分野

屬三河費直起柳五度蔡邕起柳三度

自張十七度至軫十一度為鶉尾於辰在巳楚之分

野屬荊州費直起軫十二度蔡邕起軫十度

州郡躔次

陳留先生張良諸葛亮譙周京房張衡並云

角亢氏鄭兖州

東郡入角一度

東平任城山陰入角六度

泰山入角十二度

濟北陳留入亢五度

濟陰入氏一度

東平入氏七度

房心宋豫州

潁川入房一度

汝南入房二度

沛郡入房西度

梁國入房五度

淮陽入心一度

魯國入心三度

楚國入房四度

尾箕燕幽州



涼州入箕中十度

上谷入尾一度

漁陽入尾三度

右北平入尾七度

西河上郡北地遼西東入尾十度

涿郡入尾十六度

渤海入箕一度

樂浪入箕三度

玄菟入箕六度

廣陽入箕九度

斗牽牛頭女吳越揚州

九江入斗一度

廬江入斗六度

豫章入斗十度

丹揚入斗十六度

會稽入牛一度

臨淮入牛四度

廣陵入牛八度

泗水入女一度

六安入女六度

虛危齊青州

齊國入虛六度

北海入虛九度

濟南入危一度

樂安入危四度

東萊入危九度

平原入危十一度

菑川入危十四度

營室東辟衛并州

安定入營室一度

天水入營室八度

隴西入營室四度

酒泉入營室十一度



張掖入營室十二度

武都入東壁一度

金城入東壁四度

武威入東壁六度

敦煌入東壁八度

奎婁胃魯徐州

東海入奎一度

琅邪入奎六度

高密入婁一度

城陽入婁九度

膠東入胃一度

昴畢趙冀州

魏郡入昴一度

鉅鹿入昴三度

常山入昴五度

廣平入昴七度

中山入昴一度

清河入昴九度

信都入畢三度

趙郡入畢八度

安平入畢四度

河間入畢十度

真定入畢十三度

觜參魏益州

廣漢入觜一度

越雋入觜二度

蜀郡入參一度

犍為入參三度

牂牁入參五度

巴郡入參八度

漢中入參九度

益州入參七度

東井輿鬼秦雍州



雲中入東井一度

定襄入東井八度

鴈門入東井十六度

代郡入東井二十八度

太原入東井二十九度

上黨入與鬼二度

柳七星張周三輔

弘農入柳一度

河南入七星三度

河東入張一度

河內入張九度

翼軫楚荊州

南陽入翼六度

南郡入翼十度

江夏入翼十二度

零陵入軫十一度

桂陽入軫六度

武陵入軫十度

長沙入軫十六度

志第一

天文上

晉十一



志卷第二

晉書十二

唐太宗文皇帝

御撰

天文中 七曜

雜星氣

客星

流星

雲氣

十輝

雜氣

史傳事驗

七曜

日為太陽之精主生養恩德人君之象也人君有瑕必露其慝以告示焉故日月行有道之國則光明人君吉昌百姓安寧人君乘土而王其政太平則日五色無主日變色有軍軍破無軍喪侯王其君無德其臣亂國則日赤無光日失色所臨之國不昌日晝昏



行人無影到暮不止者上刑急下不聊生不出一年  
有大水日晝昏烏鳥羣鳴國失政日中烏見主不明  
為政亂國有白衣會將軍出旌旗舉日中有黑子黑  
氣黑雲乍三年五臣廢其主日蝕陰侵陽臣掩君之  
象有亡國

月為太陰之精以之配日女主之象以之比德刑罰  
之義列之朝廷諸侯大臣之類故君明則月行依度  
臣執權則月行失道大臣用事兵刑失理則月行乍  
南乍北女主外戚擅權則或進或退月變色將有殃  
月書明姦邪並作君臣爭明女主失行陰國兵強中

國飢天下謀僭數月重見國以亂亡

歲星曰東方春木於人五常仁也五事貌也仁虧貌  
失逆春令傷木氣則罰見歲星歲星盈縮以其舍命  
國其所居久其國有德厚五穀豐昌不可伐其對為  
衝歲乃有殃歲星安靜中度吉盈縮失次其國有憂  
不可舉事用兵又曰人主之象也色欲明光色潤澤  
德合同又曰進退如度姦邪息變色亂行主無福又  
主福主大司農主齊吳主司天下諸侯人君之過主  
歲五穀赤而角其國昌亦黃而沉其野大穰  
熒惑曰南方夏火禮也視也禮虧視失逆夏令傷火



氣罰見熒惑熒惑法使行無常出則有兵入則兵散以舍命國為亂為賊為疾為喪為飢為兵所居國受殃環繞鉤已芒角動搖變色乍前乍後乍左乍右其為殃愈甚其南丈夫北女子喪周旋止息乃為死喪寇亂其野亡地其失行而速兵聚其下順之戰勝又曰熒惑主大鴻臚主死喪主司空又為司馬主楚吳越以南又司天下羣臣之過司驕奢亡亂妖孽主歲成敗又曰熒惑不動兵不戰有誅將其出色赤怒逆行成鉤已戰凶有圍軍鉤已有芒角如鋒刃人主無出宮下有伏兵芒大則人衆怒又為理外則理兵內

則理政為天子之理也故曰聖有明天子必視熒惑所在其入守犯太微軒轅營房心主命惡之

填星曰中央季夏土信也思心也仁義禮智以信為主貌言視聽以心為主故四星皆失填乃為之動動而盈佚主不寧縮有軍不復所居之宿國吉得地及女子有福不可伐去之夫地若有女憂若宿又國福厚易則薄失次而上土主信曰盈有主命不成不乃火水失次而下曰縮言縮其歲不復不乃天裂若地動一曰填為黃帝之德女主之象主德厚安危存亡之機司天下女主之過又曰天子之星也天子失信



則填星大動

太白曰西方秋金義也言也義虧言失逆秋令傷金  
氣罰見太白太白進退以候兵高埤遲速靜躁見伏  
用兵皆象之吉其出西方失行夷狄敗出東方失行  
中國敗未盡期曰過矣天病其對國若經天天下革  
民更主是謂亂紀人衆流亡晝見與日爭明強國弱  
小國強女主昌又曰太自主大臣其號上公也大司  
馬位謹候此

辰星曰北方冬水智也聽也智虧聽失逆冬令傷水  
氣罰見辰星辰星見則主刑主廷尉主燕趙又為燕

趙代以北宰相之家  
軍於野辰星為備將之氣無事為和陰陽應效  
不效其時不和出失其時寒暑失其節邦當大飢當  
出不出是謂擊卒兵大起在外虜心間地動亦曰辰  
星出入躁疾常主兵伐又曰蠻夷之星也亦主刑法  
之得失色黃赤地大動尤明與月相逮其國大水  
凡五星有色大小不同各依其行而順時應節色變  
有類凡青皆比參左肩赤比心大星黃比參右肩白  
比狼星黑比奎大星不失本色而應其四時者吉色  
害其行凶



凡五星所出所行所直之辰其國為得位得位者歲星以德熒惑有禮填星有福太白兵強辰星陰陽和所行所直之辰順其色而有角者勝其色害者敗居實有德也居虛無德也色勝位行勝色行得盡勝之營室為清廟歲星廟也心為明堂熒惑廟也南斗為文太室填星廟也亢為路廟太白廟也七星為真宮辰星廟也五星行至其廟謹候其命

凡五星盈縮失位其精降于地為人歲星降為貴臣熒惑降為童兒歌謔嬉戲填星降為老人婦女太白降為壯夫處於林麓

盧谷反

辰星降為婦人吉凶之應

### 陳其象告

凡五星木與土合為內亂飢與水合為變謀而更事與火合為飢為旱與金合為白衣之會合闔國有內亂野有破軍為水太白在南歲星在北名曰牝牡年穀大熟太白在北歲星在南年或有或無火與金合爍為喪不可舉事用兵從軍為軍憂離之軍却出太白陰分宅出其陽偏將戰與土合為憂主孽卿與水合為比軍用兵舉事大敗一曰火與水合曰瘳取內不可舉事用兵土與水合為壅沮不可舉事用兵有覆軍下師一曰為變謀更事必為旱與金合為疾為



白衣會為內兵國亡地與木合國飢水與金合為變  
謀為兵憂入太白中而上出破軍殺將客勝下出客  
亡地視旗所指以命破軍環繞太白若與闔大戰客  
勝凡木火上金與水闔皆為戰兵不在外皆為內亂  
凡同舍為合相陵為闔二星相近其殃大相遠毋傷  
七寸以內必之

凡月蝕五星其國皆亡歲以飢熒惑以亂填以殺太  
白以強國戰辰以女亂

凡五星入月歲其野有逐相太白將憐

凡五星所聚其國王天下從歲以義從熒惑以禮從

填以重從太白以兵從辰以法從各以其事致天下

也三星若合是謂驚兵絕行其國外內有兵與喪百

姓飢之改立侯王四星若合是謂太陽其國兵喪並

起君子憂小人流五星若合是謂易行有德承慶改

立王者掩有四方子孫蕃昌亡德受殃離其國家滅

其宗廟百姓離去被滿四方五星皆大其事亦大皆

小事亦小

凡五星色皆闕白為喪為旱赤中不平為兵青為憂

為水黑為疾疫為多死黃為吉皆角赤犯我城黃地

之爭白哭泣聲青有兵憂黑有水五星同色天下偃



兵百姓安寧歌舞以行不見災疾五穀蕃昌

凡五星歲政緩則不行急則過分逆則占災惑緩則不出急則不入違道則占填緩則不還急則過舍逆則占太白緩則不出急則不入逆則占辰緩則不出

急則不入非時則占五星不失行則年穀豐昌

凡五星分天之中積于東方中國利積于西方外國用兵者利辰星不出太白為客其出太白為主出而與太白不相從及各出一方為格野雖有兵不戰

凡五星凡伏晉行逆順遲速應歷度者為得其行政合于常違歷錯度而失路盈縮者為亂行亂行則為

天矢彗孛而有亡國革政兵飢喪亂之禍云  
雜星氣

圖緯舊說及漢末劉表為荊州牧命武陵太守劉叡集天文衆占名前州占其雜星之體有瑞星有妖星有客星有流星有瑞氣有妖氣有日月傍氣皆略其名狀舉其占驗次之於此云

瑞星一曰景星如半月生於晦朔助月為明或曰星大而中空或曰有三星在赤方氣與青方氣相連黃星在赤方氣中亦名德星一曰周伯星黃色煌煌然所見之國大昌二曰合輿光耀似彗喜則合輿射四



曰格澤如炎火下大上銳色黃白起地而上見則不  
種而穫有土功有大客

妖星一曰彗星所謂掃星本類星末類彗小者數寸  
長或竟天見則兵起大水主婦除除舊布新有五色  
各依五行木精所主史臣按彗體無光傳日而為光  
故夕見則東指晨見則西指在日南北皆隨日光而  
指頓挫其芒或長或短光芒所及則為災二曰孛星  
彗之屬也偏指曰彗散氣四出曰孛孛者孛孛然非  
常惡氣之所生也內有大亂則外有大兵天下合  
謀闇蔽不明有所傷害晏子曰君若不政孛星將出

彗星何懼乎由是言之災甚於彗三曰天棊一名覺  
星本類星末銳長四丈或出東北方西方主在翠四  
曰天槍其出不過三月必有破國亂君伏死其牽殃  
之不盡當為旱飢暴疾五曰天欖石氏曰雲如牛狀  
甘氏木類星末銳巫咸曰彗星出西方長可二三丈  
主捕制六曰蚩尤旗類彗而後曲象旗或曰赤雲獨  
見或曰其色黃上白下或曰着植薶而長名曰蚩尤  
之旗或曰如箕可長二丈末有星主代枉逆主惑亂  
所見之方下有兵其大起不然有喪也七曰天衝出  
如人蒼衣亦頭不動見則臣謀主武卒發天子亡八



曰國皇大而赤類南極老人星或曰去地三丈如炬  
火主內寇內難或曰其下起兵兵強或曰外內有兵  
喪九曰昭明象如太白光芒不行或曰大而白無角  
乍上乍下一曰赤彗分為昭明昭明滅光以為起朝  
起德之徵所起國兵多變一曰大人凶兵大起十曰  
司危如太白有目或曰出正西西方之野星去地可  
六丈大而白或曰大而尾兩角或曰類大白數動  
察之而赤為乖爭之徵主擊強兵見則主失法豪傑  
起天子以不義失國有聲之臣行主德十一曰天譴  
星出西北狀如劍長四五丈或曰如鉤長四丈或曰

狀白小數動主殺可出則其國內亂其下相讒為亂  
兵赤地千里枯骨藉藉十二曰五殘一名五鏃出正  
東東方星之狀類原可去地六七丈或曰蒼彗散而  
五殘如辰星出角或曰星表有氣如暈有毛或曰大  
而赤數動察之而青主乖亡為五兮毀敗之徵亦為  
備急兵見則主誅政在伯野亂成有急兵有喪不利  
衝十三曰六賊見出正南南方之星去地可六丈大  
而赤動有光或曰形如彗五殘六賊出禍合天下逆  
侵闕樞其下有兵衝不利十四曰獄漢一名咸漢出  
正北北方之野星去地可六丈大而赤數動察之中



青或曰赤表下有三星從橫主逐王主刺王出則陰  
精橫兵起其下又為喪動則諸侯驚十五曰旬始出  
北斗旁如雄雞其怒有青黑象伏鼈或曰怒堆也主  
爭兵又曰黃彗分為旬始為立主之題主亂主招橫  
見則臣亂兵作諸侯虐期十年聖人起伐羣猾橫恣  
或曰出則諸侯雄鳴十六曰天鋒彗象矛鋒天下從  
橫則天鋒星見十七曰爛星如太白其出也不行見  
則不久而滅或曰主星上有三星上出所出城邑亂  
有大盜不成又以五色占十八曰蓬星大如二斗器  
色白一名王星狀如夜火之光多至四五少一二一

曰蓬星在西南長數丈左右先出而易處星見不出  
三年有亂臣弑死又曰所出大水大旱五穀不收八  
相食十九曰長庚如一疋布著天見則兵起二十曰  
四填星出四隅去地六丈餘或曰可四丈或曰星入  
而赤去地二丈常以夜半時出見十月而兵起皆為  
兵起其下二十一曰地維蔽光出四隅或曰大而赤  
去地二三丈如月始出見則下有亂亂者亡有德者昌  
河圖云歲星之精流為天棊 天捨 天猾 天衝

國皇 及登 蒼彗

熒惑散為昭日 蚩尤之旗 昭明 司危 天欖



赤彗

填星散為五殘 獄漢 大賁 昭星 紉流

旬始 蚩尤 虹蜺 擊咎 黃彗

太白散為天杵 天柎 伏靈 大敗 司姦

天狗 天殘 卒起 白彗

辰星散為枉矢 破女 拂樞 滅寶 統綖

驚理 大奮祀 黑彗

五色之彗各有長短曲折應象

漢京房著風角書有集星章所載妖星皆見於月旁

自五色方雲以五宿日見各有五星所生云

天槍 天根 天荆 真若 天棖 天樓 天垣

皆歲星所生也見以甲寅其星咸有兩青方在其旁

天陰 晉若 官張 天惑 天崔 赤若 蚩尤

皆熒惑之所生也出在景寅日有兩赤方在其旁

天上 天伐 從星 天樞 天翟 天沸 荆彗

皆填星所生也出在戌寅日有兩黃方在其旁

若星 帝星 若彗 竹彗 播星 棖星 白藿

皆太白之所生也出在庚寅日有兩白方在其旁

天美 天龜 天社 天麻 天林 天蒿 端下

皆辰星之所生也出以壬寅日有兩黑方在其旁



已前三十五星即五行氣所生皆出於月左右方氣之中各以其所生星將出不出日數期候之當其未出之前而見見則有水旱兵喪飢亂所指亡國失地王死破軍殺將

客星

張衡曰老子四星及周伯王蓬絮芮各一錯乎五緯之間其見無期其行無度荆州占云老子星色淳白然所見之國為亂為凶為善為惡為喜為怒周伯星黃色煌煌所至之國大昌蓬絮星色青而熒熒然所至之國風雨不節焦旱物不生五穀不登多蝗蟲又

云東南有三星出名曰盜星出則天下有大盜西南有三大星出名曰種陵出則天下投骨十倍西北三大星出而白名曰人狗出則人相食大凶東井有三大星出名曰女帛見則有人殺

流星

流星天使也自上而降曰流自下而非曰飛大者曰奔奔亦流星也星大者使大星小者使小聲隆隆者怒之象也行疾者期速行遲者期遲大而無光者眾人之事小而光者貴人之事大而光者其人貴且眾也乍明乍滅者賊敗成也前大後小者恐憂也前



國子監刊  
小後大者喜事也純行者疾事也往疾者往而不反也長者其事長乂也短者事疾也彗星所墜其下有兵無風雲有流星見良乂聞乃入為大風發屋折木小流星百數四面行者衆無流移之象流星之類有音如炬火下地野雉鳴天保也所墜國安有喜若小流星色青赤名曰地鴈其所墜者起兵流星有光青赤長二三丈名曰天鴈軍中之精華也其國起兵將軍當從星所之流星輝然有光光白長竟天者人主之星也上相將軍從星所之飛星大如缶若甕後皎然曰前卑後高此謂頑頑其所從者多死亡飛星大

如缶若甕後皎然白星滅後白者曲環如車輪此謂解銜其國人相斬為爵祿飛星大如缶若甕其後皎然白長數丈星滅後白者化為雲流下名曰大滑所下有流血積骨

枉矢類流星色蒼黑蛇行望之如有毛目長數匹著天主反萌主射愚見則謀反之兵合射所誅亦為以亂伐亂

天狗狀如犬奔星色黃有聲其止地類狗所墜望之如火光炎炎衝天其止銳其下負如數頃田處或曰星有毛旁有短彗下有狗形者或曰星出其狀赤白



有光下即為天狗一曰流星有光見人而墜無音若有足者名曰天狗其色白其中黃黃如遺火狀主候兵討賊見則四方相射千里破軍殺將或曰是將鬪人相食所往之鄉有流血其君失地兵大起國易政戒守禦營頭有雲如壞山墮所謂營頭之星所墜其下覆軍流血千里亦曰流星書墮名營頭

雲氣

瑞氣一曰慶雲若煙非煙若雲非雲郁郁紛紛蕭索輪囷是謂慶雲亦曰景雲此喜氣也太平之應二曰歸邪如星非星如雲非雲或曰星有兩赤彗上向有

蓋下連星見必有歸國者三曰日光赤如龍狀聖人起帝受終則見

妖氣一曰虹蜺日旁氣也斗之亂精主惑心主內淫主臣謀君天子誅后妃顯妻不三曰祥雲如狗赤色長尾為亂君為兵喪

十輝

周禮眡稜氏掌十輝之法以觀妖祥辯吉凶一曰侵謂陰陽五色之氣浸淫相侵或曰抱珥背瑯之屬如虹而短是也二曰象謂雲氣成形象如赤鳥夾日以飛之類是也三曰鏑日傍氣刺日形如童子所佩之



國子監刊  
晉志  
鐫四曰監謂雲氣臨在日上也五曰闔謂日月蝕或  
曰脫光也六曰營謂營營不光明也七曰彌謂白虹  
彌天而貫日也八曰序謂氣若山而在日上或曰冠  
珥背瑯重疊次序在于日旁也九曰躋謂暈氣也或  
曰虹也詩所謂朝躋于西者也十曰想謂氣五色有  
形想也青飢赤兵白喪黑憂黃熟或曰想思也赤氣  
爲人狩之形可思而知其吉凶也

凡遊氣蔽天日月失色皆是風雨之候也沉陰日月  
俱無光晝不見日夜不見星有雲障之兩敵相當陰  
相圖議也日濛濛無光士卒內亂又曰數日俱出若

闔天下兵起大戰日闔下有拔城日戴者形如直狀  
其上微起在日上爲戴戴者德也國有喜也一云立  
日上爲戴青赤氣抱在日上小者爲冠國有喜事青  
赤氣小而交於日下爲纓青赤氣小而負一二在日  
下左右者爲紐青赤氣如小半暈狀在日上爲負負  
者得地爲喜又曰青赤氣長而斜倚日旁爲戟青赤  
氣負而小在日左右爲珥黃白者有喜又曰有軍日  
有一珥爲喜在日西西軍戰勝在日東東軍戰勝南  
北亦如之無軍而珥爲拜將又日旁如半環向日爲  
抱青赤氣如月初生背日者爲背又曰背氣青赤而



曲外向爲叛象分爲反城牆者如帶牆在日四方青  
赤氣長而立旁爲直日旁有一直敵在一旁欲自立  
從直所擊者勝日旁有二直三抱欲自立者不成順  
抱擊者勝殺將氣形三角在日四方爲提青赤氣橫  
在日上下爲格氣如半暈在日下爲承承者臣承君  
也又曰日下有黃氣三重若抱名曰承福人主有吉  
喜且得地青白氣如履在日下者爲履日旁抱互重  
戰順抱者勝日一抱一背爲破走抱者順氣也背者  
逆氣也兩軍相當順抱擊逆者勝故曰破走日抱且  
兩珥一虹貫抱抱至日順虹擊者勝殺將日抱兩珥

且牆二虹貫抱至日順動擊者勝日重抱內有牆順  
抱擊者勝亦曰軍內有欲反者日重抱左右二珥有  
白虹貫抱順抱擊勝二將有三虹得三將日抱黃  
白潤澤內赤外青天子有喜有和親來降者軍不戰  
敵降軍罷色青黃將喜赤將兵爭白將有喪黑將死  
日重抱且背順抱抱擊者勝得地若有罷師日重抱抱  
內外有牆兩珥順抱抱擊者勝破軍軍中不和不相信  
日旁有氣負而周也內赤外青名爲暈日暈者軍營  
之象周環匝日無厚薄敵與軍勢齊等若無軍在外  
天子失御民多放日暈有五色有喜不得五色者憂



凡占兩軍相當必謹審日月暈氣知其所起留止遠  
近應與不應疾遲大小厚薄長短抱背為多少有無  
實虛久亟密踈澤枯相應等者勢等近勝遠疾勝遲  
大勝小厚勝薄長勝短抱勝背多勝少有勝無實勝  
虛久勝亟密勝踈澤勝枯重背大破重抱為和親抱  
多親者益多背為天下不和分離相去背於內者離  
於內背於外者離於外也

雜氣

天子氣內赤外黃四方所發之處當有王者若天子  
欲有道往處其地亦先發此氣或如城門隱隱在氣

霧中

青衣人無手在日西或如

此皆帝王氣

或如粉沸  
或如山林  
或如雲霧衝天者

猛將之氣如龍如猛獸或如

或如火光之狀夜照人或白而赤氣統之或如山林

竹木或紫黑如門上橫或上白下赤狀似黑旌或如

張怒或如埃塵頭銳而卑本大而高此比日猛將之氣

也氣發漸漸如雲變作山形將有深謀

凡軍勝之氣如埃如取前後處地或如火光將軍勇

士卒或如山埃山上若林木將士號言或如埃塵



粉滯其色或如人持斧向敵或如蛇舉首向敵  
或氣如三復無雲如牽牛或有雲如鬪雞赤白相隨在  
氣中或發言三氣皆將士精勇

凡氣上黃下白名曰善氣所臨之軍敵欲不和退  
凡真氣如馬肝色或如死灰色或類偃蓋或類偃魚  
或黑氣如壞山陰軍上者名曰營頭之氣或如群羊  
群猪在氣中此衰氣也或如懸衣如人相隨或紛紛  
如轉蓬或如揚灰或示云如卷席如匹布亂穰者皆為  
敗徵氣如繫牛如人卧如雙蛇如飛鳥如决隄垣如  
壞屋如驚兔相逐如兩鷄相向此皆為敗軍之氣

凡降人氣如人十十五五皆又手低頭又云如人又  
手相向或氣如黑山以黃為緣者皆欲降伏之象也  
凡堅城之上有黑雲如屋名曰軍精或白氣如旌旗  
或青雲黃雲臨城皆有大喜慶或氣青色如牛頭觸  
人或城上氣如煙火如雙蛇如杵形向外或有雲分  
為兩豈狀者皆不可攻  
凡屠城之氣或赤如飛鳥或赤氣如逐車或有赤黑  
氣如豹皮斑或城中氣聚如樓出見於外營上有雲  
如衆人頭赤色其城營皆可屠氣如淮雉臨城其下  
必有降者



凡伏兵有黑氣爲厚負長赤氣在其中或白氣粉沸起如樓狀或如幢節狀在烏雲中或如赤杆在烏雲中或如烏人在赤雲中

凡暴兵氣白如瓜蔓連結部隊相逐須臾罷而復出或白氣如仙人如仙人衣千萬連結部隊相逐罷而復變言有千里兵來或三衆如人持刀楮雲如人色赤所臨城邑有卒兵至或土分氣如人持節兵來未息雲如方虹此皆有暴兵之象

凡戰氣青白如膏如人無頭如死人卧如丹蛇赤氣隨之必大戰殺將四望無雲見赤氣如狗入營其下

有流血

凡連陰十日晝不見日夜不見月亂風四起欲雨而無雨名曰蒙臣有謀霧氣若晝若夜其色青黃更相奄冒乍合乍散亦然視四方常有天雲五色具者其下賢人隱也青雲潤澤蔽日在西北為舉賢良雲氣如亂穰大風將至視所從來雲甚潤而厚大雨必暴至四始之日有黑雲氣如陣厚大重者多雨氣若霧非霧衣冠不濡見則其城帶甲而趨日出沒時有霧雲橫截之白者喪烏者驚三日內雨者名解有雲如蛟龍所見處將軍失魄有雲如鵠尾來蔭國上三日



亡有雲赤黃色四塞終日竟夜照地者大臣縱恣有雲如氣昧而濁賢人去小人在位

凡白虹者百殃之本眾亂所基霧者眾邪之氣陰來冒陽凡白虹霧姦臣謀君擅權立威晝霧夜明臣志得申 凡夜霧白虹見臣有憂晝霧白虹見君有憂虹頭尾至地流血之象

凡霧氣不順四時逆錯交錯微風小雨為陰陽氣亂之象積日不解晝夜昏闇天下欲分離

凡天地四方昏濛若下塵十日五日已上或一月或一時雨不沾衣而有土名曰霾故曰天地霾君臣乖

凡海旁颶氣為樓臺廣野氣成宮闕北夷之氣如牛羊群畜穹廬南夷之氣類舟船幡旗自華以南氣下

黑上赤嵩高三河之郊氣正赤恒山之北氣青勃碣海岱之間氣皆正黑江淮之間氣皆白東海氣如負

簋附漢河水氣如引布江漢氣勁如杼濟水氣如黑

純渭水氣如狼白尾淮南氣如白羊少室氣如白兔

青尾恒山氣如黑牛青尾東夷氣如封西夷氣如室

屋南夷氣如閣臺或類舟船陣雲如立垣杼軸雲類

軸搏兩端兌杓雲如繩居前亘天其半半天其蜇者類闕旗故鉤雲句曲諸此雲見以五色占而澤搏密



其見動人及有兵必起合關其直雲氣如二疋帛廣  
前銳後大軍行氣也韓雲如布趙雲如牛楚雲如日  
宋雲如車魯雲如馬衛雲如犬周雲如車輪秦雲如  
行人魏雲如鼠鄭雲如絳衣越雲如龍蜀雲如囹車  
氣下高下下往往而聚騎氣卑而布卒氣搏前卑後  
高者疾前方而高後銳而卑者却其氣平者其行徐  
前高後卑者不止而返校騎之氣正蒼黑長數百丈  
遊兵之氣如葦掃一云長數百丈無根本喜氣上黃  
下赤怒氣上下赤憂氣上下黑上功氣黃白徙氣白  
凡候氣之法氣初出時若雲非雲若霧非霧髮鬚若

可見初出森森然若衆髮  
里外平視則一也果月則天  
里內平望桑榆間一也里谷  
里敵在東日出候之在南日  
在北夜半候之軍上氣高  
短澤勝枯氣見以知大占  
不成

天變史傳事驗

惠帝元康二年二月天西北大裂案劉向說天裂陽  
不足地動陰有餘是時人主昏稽妃后專制



太安二年八月庚午天中裂為二有聲如雷者三君道虧而臣下專僭之象也是日長沙王奉帝出距成都河間二王後成都河間東海又迭專威命是其也穆帝升平五年八月己卯夜天中裂廣三四丈有聲如雷野雉皆鳴是後哀帝荒疾游西失德皇太后臨朝太宗搃萬機桓溫專權威振內外陰氣盛陽道微元帝太興二年八月戊戌天鳴東南有聲如風水相薄京房易妖占曰天有聲人主憂三年十月壬辰天又鳴甲午止其後王敦入石頭王師敗績元帝屈辱制於強臣既而晏駕大耻不雪

安帝隆安五年閏月癸丑天東南鳴十六年九月戊子天東南又鳴是後桓玄篡位安帝播越憂莫大焉鳴每東南者蓋中興江外天隨之而鳴也

義熙元年八月天鳴在東南京房易傳曰萬姓勞厥妖天鳴是時安帝雖反政而兵革歲動衆庶勤勞也日蝕

魏文帝黃初二年六月戊辰晦日有蝕之有司奏免太尉詔曰災異之作以譴元首而歸過股肱豈禹湯罪已之義乎其令百官各虔厥職後有天地眚勿復劾三公三年正月景寅朔日有蝕之十一月庚申



晦又日有蝕之 五年十一月戊申晦日有蝕之  
明帝太和初太史令許芝奏曰應蝕與太尉於靈星  
祈禳帝曰蓋聞人主政有不德則天懼之以災異所  
以譴告告使得自脩也故日月薄蝕明治道有不當  
者朕即位以來既不能光明先帝聖德而施化有不  
合於皇神故上天有以寤之宜勅政自脩有以報於  
神明天之於人猶父之於子未有父欲有責其子而  
可獻盛饌以求免也今外欲遣上公太史令俱禳之  
於義未聞也群公卿士大夫其各勉循厥職有可以  
補朕不逮者各封上之

太和五年十一月戊戌晦 蝕之 六年正月戊

辰朔日有蝕之見吳歷

青龍元年閏月庚寅朔 日有蝕之

少帝正始元年七月戊申朔日有蝕之 三年四月

戊戌朔日有蝕之 四年五月丁丑朔日有蝕之

五年四月景辰朔日有蝕之 六年四月壬子朔日

有蝕之 十月戊申朔又日有蝕之 八年二月庚

午朔日有蝕之是時曹爽專政丁謐鄧颺等轉改法

度會有日蝕之變詔群臣問得失蔣濟上疏曰昔大

舜佐治戒在比周周公輔政慎於其朋齊侯問災晏



子對以布惠魯君問異滅孫答以緩役塞變應天乃  
實人事濟古譬甚切而君臣不悟終至敗亡 九年

正月乙未朔日有蝕之

嘉平元年二月己未日有蝕之

高貴鄉公甘露四年七月戊子朔日有蝕之 五年

正月乙酉朔日有蝕之京房易占曰日蝕乙酉君弱

臣強司馬將兵反征其王五月有成濟之變

元帝景元二年五月丁未朔日有蝕之 三年十一

月己亥朔日有蝕之

武帝泰始

十月有蝕之

十月景平

朔日有蝕之 七年十月丁丑朔日有蝕之 八年

十月辛酉朔日有蝕之 九年四月戊辰朔日有蝕之

之 又七月丁酉朔日有蝕之 十年五月丙午朔

日癸亥並日有蝕之

咸寧元年七月甲申朔日有蝕之 二年正月癸酉

朔日有蝕之 四年正月庚午朔日有蝕之

太康四年三月辛丑朔日有蝕之 五年正月甲寅

朔日有蝕之 八年正月丙寅朔日有蝕之 九年

正月壬申朔六月庚申朔日有蝕之

永熙元年四月庚申朔日有蝕之



國子監刊  
惠帝元康九年十一月朔日有蝕之十二月

皇太子適為庶人廢之  
永康元年正月己酉朔日有蝕之  
永康元年閏月戊戌朔日有蝕之

光熙元年正月戊子朔日有蝕之  
一月惠帝崩十二月壬午朔日有蝕之

懷帝永嘉元年十一月戊申朔日有蝕之  
月景平朔日有蝕之六月庚申朔日有蝕之

愍帝建興四年十一月庚子朔日有蝕之  
蝕之五年十一月庚子朔日有蝕之

帝象塵于平陽

元帝大興元年四月丁丑朔日有蝕之

明帝太寧三年十一月癸巳朔日有蝕之在罪至斗  
斗吳分也其後蘇峻作亂

成帝咸和二年五月甲申朔日有蝕之在井井主酒  
食女主象也明年皇太后以憂崩六年三月壬戌

朔日有蝕之是時帝已年長每幸司徒第猶出入見  
王導夫人曹氏如子弟之禮以人君而敬人臣之妻

有虧君德之象也九年十月乙未朔日有蝕之是  
時帝既冠當親萬機而委政大臣者君道有虧也

正史十卷



咸康元年十月乙未朔日有蝕之  
七年二月甲子朔日有蝕之  
三月杜皇后崩  
八年正月乙未朔日有蝕之  
京都大雨郡國以聞是謂三朝王者惡之六月而帝崩

穆帝永和二年四月己酉七年正月丁酉八年正月辛卯並日有蝕之  
十二年十月癸巳朔日有蝕之  
在尾尾燕分比狄之象也是時邊表姚襄符生互相吞噬朝廷憂懼  
升平四年八月辛酉日有蝕之  
著禍淺深者禍之角也

哀帝隆和元年二月甲寅朔十二月戊午朔並日有蝕之  
明年而帝有疾不省政事  
海西公太和三年三月丁巳朔五年七月癸酉朔並日有蝕之  
皆海西被廢之應也

孝武帝寧康三年十月癸酉朔日有蝕之

太元四年閏月己酉朔日有蝕之  
是時苻堅攻沒襄陽執宋序  
六年六月庚子朔日有蝕之  
九年十月

辛亥朔日有蝕之  
十七年五月丁卯朔日有蝕之  
二十年三月庚辰朔日有蝕之  
明年帝崩

安帝隆安四年六月庚辰朔日有蝕之  
是時元顯執政



元興二年四月癸巳朔日有蝕之其冬桓玄篡位

義熙二年七月戊戌朔日有蝕之十年九月丁巳

朔日有蝕之十一年七月辛亥朔日有蝕之十

三年正月甲戌朔日有蝕之明年帝崩

恭帝元熙元年十一月丁亥朔日有蝕之自義熙元

年至是日蝕日從上始皆為天命之徵

周禮既視氏掌十輝之法以觀妖祥辨吉凶有變為

鑄監閭亭彌序隋想元一後代有變者莫同今錄

其著應以次之云

吳晉書赤烏十一年二月三日有彗發詔戒

武帝泰始五年七月甲寅日暈再重白虹貫之

太康元年正月己丑 五色氣冠日自卯至酉占曰

君道失明丑為牛牛主具越是時孫皓淫暴四月降

惠帝元康元年十一月甲申日暈再重青赤有光

九年正月日中有若飛鷲者數日乃消王隱以為愍

懷廢死之徵

永康元年正月癸亥朔日暈三重十月乙未日闇黃

霧四塞占曰不及三年下有拔城大戰十二月庚戌

日中有黑氣京房易傳曰祭天不順茲謂逆厥異日

中有黑氣



永寧元年九月甲申日中有黑子京房易占黑者陰也臣不掩君惡令下見百姓惡君則有此變又曰臣有蔽主明者

太安元年十一月日中有黑氣

永興元年十一月日中有黑氣分日

光熙元年五月壬辰癸巳日光四散赤如血流照地皆赤甲午又如之占曰君道失明

懷帝永嘉元年十一月乙亥黃黑氣掩日所照皆黃案河圖占曰日薄也其說曰凡日蝕皆於朔晦有不於晦明者為日薄雖非日月同宿時陰氣盛掩日光

也占類日蝕

二年正月戊申白虹貫日二月癸卯白虹貫日青黃暈五重占曰白虹貫日近臣為亂不則諸侯有反者暈五重有國者受其祥天下有兵破亡其地明年司馬越暴蔑人主五年劉聰破京都帝蒙塵于寇庭五年三月庚申日散光如血下流所照皆赤日中有若飛鷺者

愍帝建興二年正月辛未庚時日墮于地又有三日相承出於西方而東行五年正月庚子二日並照虹蜺彌天日有重暈左右兩珥占曰白虹兵氣也三



四五六日俱出並爭天下兵作丁巳亦如其數又曰  
三日並出不過三旬諸侯爭為帝日重暈天下有立  
王暈而珥天下有立俠故陳卓曰當有大慶天下其  
三分乎三月而江東改元為建武劉聰李雄亦跨曹  
劉疆宇於是兵連累葉

元帝太興元年十一月乙卯日夜出高三丈中有赤  
青珥 四年二月癸亥日闕三月癸未日中有黑子  
辛亥帝親錄訊囚徒

永昌元年十月辛卯日中有黑子時帝寵幸劉隗擅  
威福虧傷君道王敦因之舉兵逼京都禍及忠賢

明帝太寧元年正月己卯朔日暈黃霧四  
塞占曰君道失明陰陽昏且有陰謀下專刑  
茲謂分威蒙微而日不明先是王敦嘗言令刁協  
僕射周顛驃騎將軍戴若思等是專刑之賊既陵  
上卒伏其辜十一月景子白虹貫日史官不見桂陽  
太守華包以聞

成帝咸和九年七月白虹貫日

咸康元年七月白虹貫日 二年七月白虹貫日白  
後庾氏專政由后族而貴蓋亦婦人擅國之義故頻  
年白虹貫日 八年正月壬申日中有黑子景子乃



滅夏帝崩

穆帝永和八年張重華在涼州日暴赤如火中有三  
足鳥形見分明五日乃止 十年十月庚申日中有  
黑子大如雞卵 十一年三月戊申日中有黑子大  
如桃二枚時天子幼弱又不親國政  
升平三年十月丙午日中有黑子大如雞卵少時而  
帝崩

海西公太和三年九月戊辰夜二虹見東方 四年  
四月戊辰日暈厚密白虹貫日中 十月乙未日中  
有黑子 五年二月辛酉日中有黑子大如李

年三月辛未白虹貫日中 五月十一日恒溫廢帝  
即簡文咸安元年也

簡文咸安二年十一月丁丑日中有黑子

孝武寧康元年十一月己酉日中有黑子大如李

二年三月庚寅日中有黑子二枚大如鴨卵十一月  
己巳日中有黑子大如雞卵時帝已長而康獻皇后  
以從嫂臨朝實傷若道故日有瑕也

太元十三年二月庚子日中有黑子二大如李 十  
四年六月辛卯日中又有黑子大如李 二十年十  
一月辛卯日中又有黑子是時會稽王以母弟干政

通鑑紀事本末 卷一百一十五 晉紀 三十一



安帝隆安元年十二月壬辰日常有青瑤是後不親  
萬機會稽王世子元顯專行威罰 四年十一月辛  
亥日中有黑子

元興元年二月甲子日常有白虹貫日中三月庚子白  
虹貫日未幾桓玄尅京都王師敗績明年玄篡位

義熙元年五月庚午日有彩珥 六年五月景子日  
暈有瑤時有虛術過京都內外戒嚴七月循走 七

年七月五虹見東方占曰天子曠其後劉裕代晉  
十年日在東井有白虹一餘丈在南于日災在秦分

秦亡之象

恭帝元熙二年正月壬辰日氣貫日東西有直珥各

一丈白氣貫之交而

月變

魏文帝黃初四年十一月月暈北斗占曰有大喪赦

天下七年五月帝崩明帝即位大赦天下

孝懷帝末嘉五年三月壬申景夜月蝕既丁夜又蝕

既占日月蝕盡大人憂又曰其國貴人死

海西公太和四年閏月乙亥月暈軫復有白暈貫月

北暈斗柄三星占曰王者惡之六年桓溫廢帝

安帝隆安五年三月甲子月生齒占曰月生齒天子



有賊臣群下自相殘桓玄篡位之徵也

義熙九年十二月辛卯朔月猶見東方是謂之仄匿

則侯王其肅是時劉裕輔政成刑自己仄匿之應云

十一年十一月乙未月入輿鬼見而暈占曰主憂財

寶出一日月暈有赦

月奄犯五緯

凡月蝕五星其國皆亡五星入月其野有逐相

魏明帝太和五年十二月甲辰月犯填星

青龍二年十月巳丑月又犯填星占同上戊寅月犯

太白占曰人君死又為兵景初元年七月公孫懿叛

二年正月遣宣帝討之二年正月天子崩 四年三

月巳巳太白與月俱加景晝見月犯大白占同上

景初元年十月丁未月犯熒惑占曰貴人死二年四

月司徒韓暨薨

齊王嘉平元年正月甲午太白麗月宣帝奏水寧太

后廢曹爽等

惠帝太安二年十一月庚辰歲星入月中占曰國有

逐相十二月壬寅太白犯月占曰天下有兵 三年

正月巳卯月犯太白占同青龍元年七月左衛將軍

陳邈等率眾奉帝伐成都王六軍敗績兵逼乘輿後



二年帝崩

元帝太興二年十一月辛巳月犯熒惑占曰有亂臣三年十二月巳未太白入月在斗郭璞曰月屬坎陰府法象也太白金行而來犯之天意若曰刑理失中自毀其法 四年十二月丁亥月犯歲星在房占曰其國兵飢人流亡

永昌元年三月王敦作亂率江荆之衆來攻敗京師殺將相又鎮北將軍劉隗出奔百姓並去南面困於兵革四月又殺湘州刺史譙王司馬承鎮南將軍桓成帝咸康元年二月乙未太白入月四月甲午月犯

太白 四年四月巳巳七月乙巳月俱奄太白

人君死又為兵人主惡之明年石季龍之衆大寇江南於是內外戒嚴 五年四月辛未月犯歲星在胃占曰國飢人流乙未月犯歲星在昴及冬有沔南邾城之敗百姓流亡萬餘家

六年二月乙未太白入月占曰人主死四月甲午月犯太白占曰人主惡之

穆帝永和八年十二月月在東井犯歲星占曰秦飢人流亡是時兵革連起 十年十一月月奄填星在輿鬼占曰秦有兵時桓温伐苻健健堅壁長安温退



十二年八月桓温破姚襄

升平元年十一月壬午月奄歲星在房占曰人飢一

曰豫州有灾 二年閏三月乙亥月犯歲星在房占

同上三年豫州刺史謝萬敗 三年三月乙酉月犯

太白在昴占曰人君死一曰趙地有兵四年正月暴

容雋卒 五年正月乙丑辰時月在危宿奄太白占

曰天下靡散三月丁未月犯填星在軫占曰為大喪

五月穆帝崩七月慕容恪攻冀州刺史呂護於野王

拔之護奔走時桓温以大衆次死聞護敗乃退

哀帝興寧元年十月景戌月奄太白在須女占曰天

下靡散一曰灾在揚州三年洛陽沒其後桓温領揚

州資實北討敗績死亡太半及征袁真淮南殘破後

慕容暉及苻堅互來侵境 三年正月乙卯月奄歲

星在參占曰參益州今也六月鎮西將軍益州刺史

周撫卒十月梁州刺史司馬勳入益州以叛朱序率

衆助刺史周楚討平之

海西太和元年二月景子月奄熒惑在參占曰為內

亂帝不終之徵一曰參魏地五年慕容暉為苻堅所滅

孝武太元十二年二月戊寅熒惑入月占曰有亂臣

死若有相殺者一曰女親為政天下亂是時琅邪王



輔政王如從兄王國寶以姻妮受寵又陳郡人袁悅  
昧私苟進交進主相扇揚朋黨十二年帝殺悅於市  
於是主相有隙亂階興矣 十三年十一月戊子辰  
星入月在危占曰賊臣欲殺主不出三年必有內惡  
是後慕容垂翟遼姚萇苻登慕容永並阻兵爭強  
十四年十二月乙未月犯歲星占並同上十五年翟  
遼據司寇衆軍累討弗尅慕容氏又跨略并冀七月  
旱八月諸郡大水兖州又蝗 十八年正月乙酉熒  
惑入月占曰憂在宮中非賊乃盜也一曰有亂臣若  
有殺者二十一年九月帝暴崩內殿屯燕宣言夫人

張氏潛行大逆又王國寶亦狡卒伏其辜 十九年

四月己巳月犯歲星在危占曰為仇燕國亡二十年

慕容垂遣使質叔魏及為所破死者數萬人二十一年  
年垂死國遂衰亡

安帝隆安元年六月庚午月奄太白在大微端門外

占曰國受兵乙酉月奄歲星在東壁占曰為仇衛地

有兵二年六月郊恢遣鄒修方等以萬人伐慕容寶

於滑臺啓方敗三年九月桓玄等並舉兵於是內外

戒嚴 四年正月乙亥月犯填星在牽牛占曰吳越

有兵喪女主夏六月乙未月又犯填星在牽牛十



月乙未月奄歲星在北河占曰為飢胡有兵其四年  
五月孫恩破會稽殺內史謝琰後又破高雅之於餘  
姚死者十七八七月太和太后李氏崩元興元年孫  
恩寇臨海人眾餓死散亡殆盡

元興元年四月辛丑月奄辰星七月大飢人相食  
二年十一月辛巳月犯熒惑占悉同上二年十一月  
桓玄篡位放遷帝后於尋陽以永安何皇后為還陵  
君三年二月劉裕盡誅桓氏 三年二月甲辰月奄  
歲星於左角占曰天下大亂 三年二月甲辰月奄  
義兵殺桓修等明年 梁帝攻桓振卒滅諸桓

義熙元年四月己卯月犯填星在東辟占曰其地亡  
國一曰貴人死七月己未月奄填星東辟占曰其國  
以伐亡一曰人流 丁巳月奄填星在營室占同  
上十一月荊州刺史魏詠之卒二年二月司馬因璠  
等攻沒弋陽三年司徒揚州刺史王謚薨四年正月  
太保武陵王遵薨三月左僕射孔安國薨 二年十  
二月景午月奄太白在危占曰齊亡國 曰魏國君  
死五年四月劉裕入軍北討慕容超卒滅之 七年  
六月庚子月犯歲星在畢占曰有邊兵且飢 八月  
乙未月犯歲星在參占曰益州兵飢七月朱齡石寇

嘉靖戊午年 監生王以煥刊



蜀蜀人尋反又討之 八年正月庚戌月犯歲星在  
畢占同上九年七月朱齡石滅蜀 十二年五月甲  
申月犯歲星在左角占曰為飢 十四年四月壬申  
月犯填星於張占曰天下有大喪其明年帝崩  
恭帝元熙元年七月月犯歲星占悉同上十二月丁  
巳月犯太白于羽林二年六月帝遜位禪宋  
五星聚舍

魏明帝太和四年十一月壬戌太白犯歲星占曰太  
白犯五星有大兵五年三月諸葛亮以大衆寇天水  
時宣帝為大將軍距退之

青龍二年二月己未太白犯熒惑占曰大兵起有大  
戰是年四月諸葛亮據渭南吳亦起兵應之魏東西  
奔命

惠帝元康三年填星歲星太白三星聚于畢昴占曰  
為兵喪畢昴趙地也後賈后陷殺太子趙王廢后又  
殺之斬張華裴頠遂篡位廢帝為太上皇天下從此  
遘亂連禍

永寧二年十一月熒惑太白闔于虛危占曰大兵起  
破軍殺將虛危又齊分也十二月熒惑襲太白于營  
室占曰天下兵起亡君之戒一曰易相初齊王罔之



京師因留輔政遂專恣無君是月成都河間檄長沙  
王之討之固又交戰攻焚宮闕固兵敗夷滅又殺其  
兄上軍將軍實以下二十餘人太安二年成都又攻  
長沙於是公私飢困百姓力屈

太安三年正月熒惑犯歲星占曰有戰七月左衛將  
軍陳眆奉帝伐成都六軍敗績

光熙元年九月填星犯歲星占曰填與歲合為內亂  
是時司馬越專權終以無禮破滅內亂之應也十二  
月癸未太白犯填星占曰為內兵有大戰是後河間  
王為東海王越所殺明年正月東海王越殺諸葛玫

等五月汲桑破馮嵩殺東燕王八月苟晞大破汲桑  
懷帝永嘉六年七月熒惑歲星太白聚牛女之間徘徊  
徊進退案占曰牛女揚州分是後兩都傾覆而元帝  
中興揚土

建武元年五月癸未太白熒惑合於東井占曰金火  
合曰爍為喪是時愍帝蒙塵于平陽七月崩于寇庭  
元帝太興二年七月甲午歲星熒惑會于東井八月  
乙未太白犯歲星合在翼占曰為兵飢

三年六月庚辰太白與歲星合于房占同上永昌元  
年王敦攻京師六軍敗績王敦尋死



成帝咸康三年十一月乙丑太白犯歲星于營室占  
 曰為兵飢四年二月石季龍破幽州遷萬餘家以南  
 五年季龍衆五萬寇河南略七千餘家而去又騎二  
 萬圍陷和城殺略五千餘人 四年十二月癸丑太  
 白犯填星在箕占曰王者亡地七年慕容皝自稱燕  
 王 七年三月太白熒惑合于太微中犯左執法明  
 年顯宗崩 八年十二月己酉太白犯熒惑于胃占  
 曰大兵起其後庾翼大發兵謀伐石季龍專制上流  
 康帝建元元年八月丁未太白犯歲星在軫占曰有  
 大兵是年石季龍將劉寧寇沒狄道

穆帝永和四年五月熒惑入婁犯填星占曰兵大起  
 有喪灾在道其年石季龍死來年并閔殺石遵及諸  
 胡十萬餘人其後褚裒北伐喪衆而薨 六年三月  
 戊戌熒惑犯歲星占曰為戰 七年三月戊子歲星  
 熒惑合于奎其年劉顯殺石祗及諸胡帥中土大亂  
 十二年七月丁卯太白犯填星在柳占曰周地有大  
 兵其年八月桓溫伐苻健退因破姚襄於伊水<sub>地周</sub>  
 升平二年八月戊午熒惑犯填星在張占曰兵大起  
 三年八月庚午太白犯填星在太微中占曰王者惡  
 之 五年十月丁卯熒惑犯歲星在營室占曰大臣

嘉祥有戊午年

監生王以煥刊



有匿謀一曰衛地有兵時和溫擅權謀移晉室

海西公太和元年八月戊午太白犯歲星在太微中

三年六月甲寅太白奄熒惑在太微端門中其六年

海西公廢

簡文咸安二年正月己酉歲星犯填星在須女占曰

為內亂七月帝崩桓溫擅權謀殺中侍王坦之等內

亂之應

孝武寧康二年十一月癸酉太白奄熒惑在營室占

曰金火合為燔為兵喪太元元年七月苻堅伐涼州

破之虜張天錫

太元十一年十二月己丑太白犯歲星占曰為兵飢

是時河朔未平兵連在外冬大飢十七年九月丁

丑歲星熒惑填星同在亢氏十二月癸酉填星去熒

惑歲星猶合占曰三星合是謂驚立絕行內外有兵

喪與飢改立王公十九年十月太白填星熒惑辰

星合于氐十二月癸丑太白犯歲星在斗占曰為

亂飢為內兵斗與越分至隆安元年王恭等舉兵顯

王國寶之罪朝廷殺之是後連歲水旱飢

安帝隆安元年二月歲星熒惑皆入羽林占曰中軍

兵起四月王恭等舉兵內外戒嚴



元興元年八月庚子太白犯歲星在上將東南占曰  
楚兵飢一曰災在上將二年桓玄篡位三年劉裕盡  
誅桓氏 二年十月丁丑太白犯填星在婁占同上  
三年二月壬辰太白熒惑合于羽林二年十二月桓  
玄篡位放遷帝后三年二月劉裕起義兵桓玄逼帝  
東下

義熙二年十二月丁未熒惑太白皆入羽林又合于  
璧三年正月慕容超寇淮北徐州至下邳八月遣劉  
敬宣伐蜀 三年二月癸亥熒惑填星太白辰星聚  
于婁從填星也徐州分是時慕容超僭號於齊兵

連徐交連歲寇抄至于淮泗姚興譙縱僭號秦蜀盧  
循及魏南北交侵其五年劉裕北殄慕容超其六月  
辛卯熒惑犯辰星在翼占曰天下兵起八月己卯太  
白奄熒惑占曰有大兵其四年姚略遣衆征赫連勃  
勃大爲所破 五年四月甲戌熒惑犯辰星在東井  
占曰皆為兵十二月辛丑太白犯歲星在奎占曰大  
兵起魯有兵是年四月劉裕討慕容超六年二月滅  
慕容超于魯地 七年七月丁卯歲星犯填星在參  
占曰歲填合為內亂一曰益州戰不勝亡地是時朱  
齡石伐蜀後竟滅之明年誅謝混劉毅 八年十月



甲申太白犯填星在東井占曰秦有大兵 九年二月景午熒惑填星皆犯東井占曰秦有兵三月壬辰歲星熒惑填星太白聚于東井從歲星也東井秦分十三年劉裕定閩中其後遂移晉祚

十四年十月癸巳熒惑入太微犯西蕃上將仍順行至左掖門內留二十日乃逆行至恭帝元熙元年三月五日出西蕃上將西三尺許又順還入太微時填星在太微熒惑繞填星成鉤已其年四月景戌從端門出占曰熒惑與填星鉤已天庭天下更紀十二月安帝母弟琅邪王踐祚是曰恭帝來年禪于宋

終卷

卷第三

晉書十三

唐太宗文皇帝

御撰

天文下

月五星犯列舍

經星變附見

妖星客星

星流隕

雲氣

月五星犯列舍

經星變附見

魏文黃初四年三月癸卯月犯心大星占曰心為天王位王者惡之六月甲申太白晝見案劉向五紀論曰太白少陰弱不得專行故以己未為界不得經天而行經天則晝見其占為其喪為不臣為更王疆國弱小國彊是時孫權受魏爵號而稱兵距守其十二



月景子月犯心大星占同上 五年十月乙卯太白  
書見占同上又歲星入太微逆行積百四十九日乃  
出占曰五星入太微從右入三十日以上人主有大  
憂一曰有赦至七年五月帝崩明帝即位大赦天下  
六年五月壬戌熒惑入太微至壬申與歲星相及俱  
犯右執法至癸酉乃出占曰從右入三十日以上人  
主有大憂又日月五星犯左右執法大臣有憂一曰  
執法者誅金火尤甚十一月皇子東武<sub>陽</sub>王鑿薨七年  
正月驃騎將軍曹洪免為庶人四月征南大將軍夏  
侯尚薨五月帝崩蜀記稱明帝問黃權曰天下鼎立

何地為正對曰當驗天文行者熒惑守心而文帝崩  
吳蜀無事此其徵也案三國史並無熒惑守心之文  
疑是入太微八月吳遂圍江夏寇襄陽大將軍宣帝  
救襄陽斬吳將張緝等其喪更王之應也

明帝太和五年五月熒惑犯房占曰房四星股肱臣  
將相位也月五星犯守之將相有憂其七月車騎將  
軍張郃追諸葛亮為亮所害十二月太尉華歆薨其  
十一月乙酉月犯軒轅大星占曰女主憂

六年三月乙亥月又犯軒轅大星十一月景寅太白  
書見南斗遂歷八十餘日恒見占曰吳有兵明年孫



權遣張彌等將兵萬人錫授公孫文懿為燕王文懿  
斬彌等虜其衆青龍二年正月太后郭氏崩

青龍三年三月辛卯月犯輿鬼輿鬼主斬殺占曰人

多病國有憂又曰大臣憂是年夏及冬大疫四年五

月司徒董昭薨其五月丁亥太白晝見積三十餘日

以畧度推之非秦魏則楚也是時諸葛亮據渭南宣

帝與相持孫權寇合肥又遣陸議孫昭等入淮沔天

子親東征蜀本秦地則為秦魏及楚兵悉起矣其七

月巳巳月犯捷閉占曰有火災三年七月崇華殿災

三年六月丁未填星犯井鉞戊戌太白又犯之占曰

凡月五星犯井鉞悉為災一曰斧鉞用大臣訟七

月巳丑填星犯東井正星占曰填星入井大人惡行

近距為行陰其占曰大水五穀不成景初元年夏大

水傷五穀其年十月壬申太白晝見在尾歷二百餘

日恒晝見占曰尾為燕有兵十二月戊辰月犯鉤鈴

占曰王者憂

四年閏正月巳巳填星犯井鉞三月癸卯填星犯東

井巳巳太白與月加景晝見五月壬寅太白犯星左

股第一星占曰畢為邊兵又主刑罰九月涼州塞外

胡阿畢師使侵犯諸國西域校尉張就討之斬首捕



虜萬計其年七月甲寅太白犯軒轅大星占曰女主  
憂景初元年皇后毛氏崩

景初元年二月乙酉月犯房第二星占曰將軍有憂  
其七月司徒陳矯薨二年四月司徒韓暨薨其七月  
辛卯太白晝見積二百八十餘日時公孫文懿自立  
為燕王署置百官發兵拒守宣帝討滅之

二年二月己丑月犯心距星又犯中央大星五月乙  
亥月又犯心距星及中央大星案占曰王者惡之犯  
前星太子有憂三年正月帝崩太子立卒見廢其年  
十月甲午月犯箕占曰將軍死正始元年四月車騎

將軍黃權薨其閏十一月癸丑月犯心中央大星

少帝正始元年四月戊午月犯昴東頭第一星十月

庚寅月又犯昴北第四星占曰月犯昴胡不安二月

六月鮮卑阿妙兒等寇西方敦煌太守王延破之斬

二萬餘級三年又斬鮮卑大帥及千餘級

二年九月癸酉月犯輿鬼西北星三年二月丁未文

犯西南星占曰有錢令一曰大臣憂三年二月太尉

滿寵薨四年正月帝加元服賜群臣錢各有差

四年十月十一月月犯箕鉞是月宣帝討諸葛

恪棄城走五年二月曹爽征蜀



五年十一月癸巳填星犯亢距星占曰諸侯有失  
七年七月丁丑月犯左角占曰天下有兵左將軍死  
七月乙亥熒惑犯畢距星占曰有邊兵一曰刑罰用  
九年正月辛亥月犯亢南星占曰兵起一曰軍將死  
七月癸丑填犯捷閉占曰王者不宜出宮下殿  
嘉平元年天子謁陵宣帝奏誅曹爽等天子野宿於  
是失勢

嘉平元年六月壬戌太白犯東井距星占曰國失政  
大臣為亂四月辛巳太白犯輿鬼占曰人臣誅一曰  
兵起

二年三月己未太白又犯井距星三年七月王凌與  
楚王彪有謀者伏誅人主遂

吳孫權赤烏十三年夏五月日北至熒惑逆行入南

斗秋七月犯魁第三星而東漢晉春秋

熒惑入南斗三月吳王死一曰熒惑逆行其地有死

君之和二年權薨是其應也故國志書於熒是時王

凌謀立楚王彪謂斗中有星當有暴貴者以問知星

人潘詳詳疑有欲欲悅其意不言吳有死喪而言淮

南楚分吳楚同山當有王者興故凌計遂定

嘉平二年十一月景申月犯輿鬼



三年四月戊寅月犯東井五月甲寅月犯亢距星占  
 曰軍將死一曰為兵是月王凌楚王彪等誅七月皇  
 后甄氏崩四年三月吳將為寇鎮東將軍諸葛誕破  
 走之其年七月巳巳月犯輿鬼九月乙巳又犯之十  
 月癸未熒惑犯亢南星占曰臣有亂四年十一月丁  
 未月又犯鬼積尸五年六月戊午太白犯角占曰群  
 臣有謀不成庚辰月犯箕星占曰將軍死七月月犯  
 井鉞景午月又犯鬼西北星占曰國有憂十一月癸  
 酉月犯東井距星占曰將軍死正元元年正月鎮東  
 將軍毋丘儉揚州刺史文欽反兵俱敗誅死二月辛  
 豐及弟翼后父張緝等謀亂事泄悉誅皇后張氏廢  
 九月帝廢為齊王蜀將姜維攻隴西車騎將軍郭淮  
 討破之

高貴鄉公正元二年二月戊午熒惑犯東井北轅西  
 頭第一星甘露元年七月乙卯熒惑犯東井鉞星壬  
 戌月又犯鉞星八月辛亥月犯箕翼廢孫亮 太平  
 元年九月壬辰太白犯南斗英志所書也占曰太白  
 犯斗國有兵大臣有反者其明年諸葛誕反又明年  
 孫綝廢亮吳魏並有兵事也  
 甘露元年九月丁巳月犯東井二年六月巳酉月犯



心中央大星八月壬子歲星犯井鉞九月庚寅歲星  
逆行乘井鉞十月景寅太白犯亢距星占曰逆臣為  
亂人君憂景元元年五月有成濟之變及諸葛誕誅  
皆其應也

二年三月庚子太白犯東井占曰國失政大臣為亂  
是夜歲星又犯東井占曰兵起至景元元年高貴鄉  
公敗

三年八月壬辰歲星犯輿鬼鑽星占曰斧鑕用大臣  
誅四年四月甲申歲星又犯輿鬼東南星占曰鬼東  
南星主兵木入鬼大臣誅景元元年殺尚書王經

元帝景元元年二月月犯建星案占月五星犯建星  
大臣相譖是後鍾會鄧艾破蜀會譖艾

二年四月熒惑入太微犯右執法占曰人主有大憂  
一云大臣憂

四年十月歲星守房占曰將相憂一云有大赦明年  
鄧艾鍾會皆夷滅赦蜀土五年帝遜位

武帝咸寧四年九月太白當見不見占曰是謂失舍  
不有破軍必有亡國是時羊祜表求伐吳上許之五  
年十一月兵出太白始夕見西方太康元年三月大  
破吳軍孫皓面縛請罪吳國遂亡



太康八年三月熒惑守心占曰王者惡之太熙元年四月乙酉帝崩

惠帝元康三年四月熒惑守太微六十日占曰諸侯三公謀其上必有斬臣一曰天子亡國是春太白守畢至是百餘日占曰有急令之憂一曰相死又為邊境不安後賈后陷殺太子

六年十月乙未太白晝見九年六月熒惑守心占曰王者惡之八月熒惑入羽林占曰禁兵大起其後帝見廢為太上皇俄而三王起兵討趙王倫倫悉遣中軍兵相距累月

永康元年三月中台星拆太白晝見占曰台星失常三公憂太白晝見為不臣是月賈后殺太子趙王倫尋廢殺后斬司徒張華其五月熒惑入南斗占曰宰相死兵大起斗又吳分野是時趙王倫為相明年篡位三公與師誅之大安二年石冰破揚州其八月熒惑入箕占口人主失位兵起明年趙王倫篡位改元二年二月太白出西方逆行入東井占曰國失政大臣為亂是時齊王冏起兵討趙王倫倫滅冏擁兵不朝專權淫奢明年誅死  
永寧元年自正月至于閏月五星互經天縱橫無常

嘉靖庚午年 嘉靖趙祖易刊



星傳曰日陽君道也星陰臣道也日出則星亡臣不得專也書而星見于上者為經天其占為不臣為更王今五星悉經天天變所未有也石氏說曰辰星書見其國不亡則大亂是後台鼎方伯互執大權二帝流亡遂至六夷更王迭據華夏亦載籍所未有也其四月歲星書見五月太白書見占同前七月歲星守虛危占曰木守虛危有兵憂虛危齊多一曰守虛饑守危徃後煩多下屈竭辰星入太微占曰為內亂一曰群臣相殺太白守右掖門占曰為兵為亂為賊八月戊午填星犯左執法又犯上相占曰上相憂憂惑

守昴占曰趙魏有災辰星守輿鬼占曰秦有災九月丁未月犯左角占曰人主憂一曰左衛將軍死天下有兵

二年四月癸酉歲星書見占曰為臣彊初齊王問定京都因留輔政遂專傲無君是月成都河間愷長沙王又討之閻又交戰攻楚宮閻問兵敗夷滅又殺其兄上軍將軍寔以下二十餘人太安二年成都攻長沙於是公私饑困百姓力屈

太安二年二月太白入昴占曰天下擾兵大起七月災惑入東井占曰兵起國亂是秋太白守太微上將



占曰上將以兵亡是年冬成都河間攻洛陽八月長沙王奉帝出距二王二年正月東海王越執長沙王又張方又殺之

三年正月熒惑入南斗占同永康七月左衛將軍陳眘率眾奉帝伐成都六軍敗績兵徧來與是時天下盜賊羣起張昌尤盛

永興元年七月庚申太白犯角亢絳房心歷危箕九月入南斗占曰犯角天下大戰犯亢有大兵人在憂入房心為兵喪犯危箕文士憂

斗有兵喪一曰將軍為亂其所犯守又兗豫幽冀揚州之分野是年七月有彗星之役九月王浚殺幽州刺史和演攻郡下貴族

亂揚士劉元海在幽州雄等並起微賤跨有州郡皇后羊氏數被幽廢皆其應也

二年四月景子太白犯狼星占曰大兵起九月歲星守東井占曰有兵井又秦分野是年苟晞破公師蕃張方破范陽王廕關西諸將攻河間王顛奔走東海王迎殺之

光熙元年四月太白失行自翼入危箕占曰太白失行而比是謂反生不有破軍必有屠城五月汲桑攻



鄴魏郡太守馮嵩出戰大敗桑遂宮東燕王騰殺萬  
餘人焚燒魏時宮室皆盡其九月丁未熒惑守心占  
曰王者惡之巳亥填星守房心占曰填星守房多禍喪  
守心國內亂天下赦是時司馬越專權終以無禮破  
滅內亂之應也十一月帝崩懷帝即位大赦天下  
懷帝永嘉元年十二月丁亥星流震散按劉向說天  
官列宿在位之象其衆小星無名者衆庶之類此百  
官衆庶將流散之象也是後天下大亂百官萬姓流  
移轉死矣

二年正月庚午太白伏不見二月庚子始晨見東方  
占見不見占同上條其後破軍殺將不可勝  
帝崩虜庭中夏淪覆

三年正月庚子熒惑犯紫微占曰當有野死之王又  
為火燒宮是時太史令高堂冲奏乘輿宜遷幸不然  
必無洛陽五年六月劉曜王彌入京都焚燒官廟乾  
帝歸平陽

三年填星久守南斗占曰填星所居久者其國有福  
是時安東將軍琅邪王始有揚土其年十一月地動  
陳卓以為是地動應也

五年十月熒惑守心六年六月丁卯太白犯太微占



曰兵入天子庭王者崩之七月帝崩于寇庭天下行  
應大臨

元帝太興元年七月太白犯南斗占曰吳越有兵大  
人憂

二年二月甲申熒惑犯東井占曰兵起貴臣相殺八  
月巳卯太白犯軒轅大星占曰後宮憂

三年五月戊子太白入太微又犯上將星占曰天子  
自將上將誅九月太白犯南斗十月巳亥熒惑在東

井居五諸侯南知占曰熒惑守井二  
十日以上大人憂年五諸侯諸侯有誅者永昌元

三月王敦率江州之兵來攻京都六軍敗績人  
主謝過而已將軍周顛尚書令刁協

騎將軍戴若思又鎮北將軍劉隗出奔四月又殺湘  
州刺史譙王司馬承鎮南將軍甘卓閏十二月帝崩

明帝太寧三年正月熒惑逆行入太微占曰為兵喪  
王者應之閏八月帝崩後二年蘇峻反攻焚宮室太

后以後信備用天子幽劫于石頭城遠近兵亂至四年  
乃息

咸和六年正月景辰月入南斗占曰有兵是月

石勒攻襄陽武進二縣人明年石勒衆又抄略南沙

嘉靖... 卷三十一 易月



海虞其十一月熒惑守胃昴占曰趙魏有兵八年七月石勒死石季龍自立是時雖二石僭號而其疆弱常占於昴不閏太微紫宮也

八年三月己巳月入南斗與六年占同其年七月石勒死彭彪以譙石生以長安郭權以秦州並歸順於是遣督護喬球率衆救彪彪敗球退又石季龍石斌攻滅生權其七月熒惑入昴占曰胡王死一曰趙地有兵是月石勒死石季龍多所攻沒八月月又犯昴占曰胡不安

九年三月己亥熒惑入輿鬼犯積尸占曰兵在西北有沒軍死將六月八月月又犯昴是時石弘雖襲位而石季龍擅威積基十一月廢弘自立遂幽殺之咸康元年二月己亥太白犯昴占曰兵起歲中旱四月石季龍略騎至歷陽加司徒王導大司馬治兵列戍衝要是時石季龍又圍襄陽六月旱其年二月景戌月入昴占曰胡王死八月戌熒惑入東井占曰無兵兵起有兵兵止十一月月犯昴

二年正月辛亥月犯房南第二星八月月又犯昴九月庚寅太白犯南斗因書見占曰斗為宰相又揚州分金犯之此喪之象書見為不臣又為兵喪其後石



季龍僭稱天王發衆七萬四年二月自隴西攻段遼  
于薊又襲慕容皝於棘城不克皝擊破其將麻秋并  
虜段遼殺之

三年七月己酉月犯房上星八月熒惑入與鬼犯積  
尸甲戌月犯東井距星九月戊子月犯建星

四年四月己巳太白晝見在柳占曰為兵為不臣明  
年石季龍大寇河南於是內外戒嚴其五月戊戌熒  
惑犯右執法占曰大臣死執政者憂九月太白又犯  
右執法案占五星災同金水尤甚十一月戊子太白  
犯房上星占曰上相憂

五年四月乙未月犯畢距星占曰兵起七月己酉月  
犯房上星占曰將相憂是月庚申丞相王道薨庾冰  
代輔政八月太后薨又有河南邾城之敗百姓  
流亡萬餘家六年正月征西大將軍庾亮薨

六年三月甲辰熒惑犯太微上將星占曰上將憂四  
月丁丑熒惑犯右執法占曰執政者憂六月乙亥月  
犯牽牛中央星占曰大將憂是時尚書令何充為執  
法有譴欲避其咎明年求為中書令其四月景午太  
白犯畢距星占曰兵革起一曰女主憂六月乙卯太  
白犯軒轅大星占曰女主憂七年三月皇后杜氏崩



七年三月壬午月犯房四月己丑太白入與鬼五月  
太白晝見八月辛丑月犯與鬼

八年六月熒惑犯房上第二星占曰次相憂八月壬  
寅月犯畢占曰下犯上兵革起十月日天掩畢大星

占同上其建元元年車騎將軍度遼奏憂大發兵  
謀伐石季龍專制上流朝廷憚之

康帝建元二年正月壬午太白入昴占曰趙地有兵  
又曰天下兵起四月乙酉太白晝見是年石季龍殺

其子遂又遣齊寇攻伏道及屯前更謀慕容晃三年  
歲星化天關占曰中更星化天關東無他故

亦不艱難而石季龍頻年再閉關不通信使此復是

天公憤憤無皂白之徵也其閏月乙酉太白犯斗占  
曰為喪天下受爵祿九月帝崩太子立大赦賜爵

穆帝永和元年正月丁丑月入畢占曰兵大起戊寅  
月犯天關占曰有亂臣更天子之法五月辛巳太白

晝見在東井占曰為臣熾秦有兵六月辛丑月入太  
微犯屏西南星占曰輔臣有免罷者七月八月月皆

犯畢占同上巳未月犯輿鬼占曰大臣有誅九月庚  
戌月犯畢是年初庾翼在襄陽七月翼疾將終輒以

子爰之為荊州刺史代已任爰之尋被廢明年桓溫



又輒率衆伐蜀執李勢送至京都蜀本秦地也

二年二月壬子月犯房上星四月景戌月又犯房上

星八月壬申太白犯左執法

三年正月壬午月犯南斗第五星占曰將軍死近臣

去五月壬申月犯南斗第四星因入魁占曰有兵一

曰有大赦六月月犯東井距星占曰將軍死國有憂

戊戌月犯五諸侯占曰諸侯有誅九月庚寅太白犯

南斗第五星占曰為喪為兵

四年七月景申太白犯左執法甲寅月犯房丁巳月

入南斗犯第二星乙丑太白犯左執法占悉同上十

月甲辰月犯亢占曰兵起將軍死十一月戌戌月犯

上將星三年六月大赦是月陳遠征壽春敗而還七

月氏蜀餘寇反亂益上九月石季龍伐涼州五年征

北大將軍褚裒卒

四年四月太白入昴是時戎晉相侵趙地連兵尤甚

七月太白犯軒轅占曰在趙及為兵喪甲寅月犯房

十月甲戌月犯亢占曰兵起將軍死八月石季龍太

子宣殺弟韜宣亦死其十一月戌戌月犯上將星五

年正月石季龍僭號稱皇帝尋死

五年四月丁未太白犯東井占曰秦有兵九月戌戌

嘉靖戊午年 監生趙祖易刊



太白犯左角占曰為兵十月月犯昴占曰胡有憂將  
軍死是年八月褚裒北征兵敗十月關中二十餘縣  
舉兵內附石遵攻沒南陽十一月冉閔殺石遵又盡  
殺胡十餘萬人於是趙魏大亂十二月褚裒薨八年  
劉顯符健慕容雋並僭號殷浩北伐敗績見廢

六年二月辛酉月犯心大星占曰大人憂又豫州分  
野也丁丑月犯房占曰將相憂六月己丑月犯昴占  
同上乙未月犯五諸侯占同上七月壬寅月始出西  
方犯左角占曰大將軍死一曰天下有兵丁未月犯  
箕占曰將軍死景寅熒惑犯鉞星占曰大臣有誅八

月辛卯月犯左角太白晝見在南二月犯右執法占  
並同上是歲司徒蔡謨免為庶人

七年二月太白犯昴占同上三月乙卯熒惑入輿鬼  
犯積尸占曰貴人有憂五月乙未熒惑犯軒轅太星  
占曰女主憂太白入畢口犯左股占曰將相當之六  
月乙亥月犯箕占曰國有兵景子月犯斗丁丑熒惑  
入太微犯右執法八月庚午太白犯軒轅戊子太白  
犯石執法占悉同上七年劉顯殺石祗及諸將帥山  
東大亂疾疫死亡  
八年三月戊戌月犯軒轅大星癸丑月入南斗犯第

漢曆年譜  
卷三  
三  
武光漢二百五十八



星五月月犯心星六月癸酉月犯房七月壬子歲  
星犯東井距星占曰內亂兵起八月戊戌熒惑入輿  
鬼占曰忠臣戮死景辰太白入南斗犯第四星占曰  
將為亂一曰丞相免

九年二月乙巳月人南斗犯第三星三月戊辰月犯  
房八月歲星犯輿鬼東南星占曰兵起是時帝幼中  
母后稱制將相有隙兵革連起慕容儁僭稱  
攻伐不休

十年正月己卯月蝕昴星占曰趙魏有兵癸酉填星  
奄鉞星占曰斧鉞用三月甲申月犯心大星占曰王

者惡之七月庚午太白晝見昴度推之災在秦鄭九  
月辛酉太白犯左執法是時桓温擅命朝臣多見迫  
脅四月温伐苻健破其嶢柳軍十二月慕容恪攻齊  
十一年三月辛亥月奄軒轅占同上四月庚寅月犯  
牛宿南星占曰國有憂八月己未太白犯天江占曰  
河津不通

十二年六月庚子太白晝見在東井占如上己未月  
犯鉞星八月癸酉月奄建星九月戊寅熒惑入太微  
犯西蕃上將星十一月丁丑熒惑犯太微東蕃上將  
星十二年十一月齊城陷執段龕殺三千餘人永和



三年鮮卑侵略河異升平元年慕容雋遂據臨漳盡有幽并青冀之地緣河諸將奔散河津隔絕時權在方伯九服交兵

升平元年四月壬子太白入輿鬼丁亥月奄井南轅西頭第二星占曰秦地有兵一曰將死六月戊戌太白晝見在軫占同上軫是楚分野壬子月犯畢占曰為邊兵七月辛巳熒惑犯天江占曰河津不通十一月歲星犯房占曰豫州有災其年五月符堅殺苻生而立十二月慕容暉之款二年八月豫州刺史謝奕薨

二年十二月辛卯填星犯軒大星占曰人主惡之甲午月犯東井六月辛酉四星犯房十月己未太白犯天星占曰有大哭泣

三年正月壬辰熒惑犯鍵閉星占曰人主憂三月乙酉熒惑逆行犯鉤鈐案占王者惡之六月太白犯東井七月乙酉熒惑犯天江庚戌太白犯輿鬼占志同上戊子月犯倉牛中央大星占曰命牛天將也犯中央大星將軍死八月丁未太白犯軒懷大星甲子月犯畢大星占曰為邊兵一曰下犯上二年十月諸葛攸舟軍入河敗績豫州刺史謝萬入朝眾潰而歸



萬除名十一月司徒會稽王以郗曇謝萬二鎮敗求  
自貶三等四年正月慕容恪死子暉代立慕容恪殺  
其尚書令陽騫等

四年正月乙亥月犯牽牛中央大星六月辛亥辰星  
犯軒轅占曰女主憂已未太白入太微右掖門從端  
門出占曰貴奪勢一曰有兵又曰出端門臣不臣八  
月戊申太白犯氐占曰國有憂景辰熒惑犯太微西  
蕃上將星九月壬午太白入南斗口犯第四星占曰  
為喪有赦天下受爵祿十二月甲寅熒惑犯房景寅  
寅月犯健占曰人君惡之

五年正月乙巳填星逆行犯太微五月壬寅月犯太  
微庚戌月犯建星占曰大臣相謀是時廢浩敗績卒  
致遷徙其月辛亥月犯牽牛宿占曰國有憂六月癸  
亥月犯氐東北星占曰大將當之五年正月比中郎  
將郗曇薨五月帝崩哀帝立大赦賜爵祿后失勢七  
月慕容恪攻冀州刺史呂護於野王護奔滎陽是時  
桓溫以大衆次宛聞護敗乃退

五年六月癸酉月奄氐東北星占曰大將軍當之九  
月乙酉月奄畢占曰有邊兵十月丁未月犯畢大星  
占曰下犯上又曰有邊兵八月范汪廢隆和元年慕



容暉遣將寇河陰

哀帝興寧二年七月庚戌月犯南斗占曰女主憂歲星犯輿鬼占曰人君憂十月太白晝見在亢占曰亢為朝廷有兵喪為臣彊明年五月皇后庾氏崩

海西太和二年正月大白入昴五年慕容暉為符堅所滅又據司隰幽并四州

六年閏月熒惑守太微端門占曰天子亡國又曰諸侯三公謀其上二曰有新臣辛卯月犯心大星占曰王者惡之十一月桓溫廢帝并奏誅武陵王簡文不許溫乃徙之新安皆臣彊之應也

簡文咸安元年十二月辛卯熒惑逆行入太微三年三月猶不退占曰國不安有憂是時帝有桓溫之憂二年五月丁未太白犯天關占曰兵起歲星形色如太白占曰進退如度茲邪息變色亂行主無福歲星於仲夏當細小而不明此其失常也又為臣彊六月太白晝見在七星乙酉太白犯輿鬼占曰國有憂七月帝崩桓溫以兵威擅權將誅王坦之等內外迫脅又庾希入京城歷陳入宮並誅滅之孝武寧康元年正月戊申月食心大星案占曰災不在王若則在豫州一日主命異之三月景午月奄南



斗第五星占曰大臣有憂死亡一曰將軍死七月桓  
溫薨九月癸巳熒惑入太微是時女主臨朝政事踳  
二年閏月己未月奄牽牛南星占曰左將軍死十二  
月甲申太白晝見在氏氏兗州分野三年五月景午  
北中郎將王坦之薨

三年六月辛卯太白犯東井占曰秦地有兵九月戊  
申熒惑奄左執法占曰執法者死太元元年苻堅破

涼州二年十月尚書令王彪之卒

太元元年四月景戌熒惑犯南斗第三星景申又奄  
占曰其大起中國一曰有赦八月癸酉太

白晝見在氏氏兗州分野九月熒惑犯哭泣星遂入  
羽林占曰天子有哭泣事中國兵起十一月己未月  
奄氏角占曰天下有兵一曰國有憂

二年二月熒惑守羽林占曰禁兵大起九月壬午太

白晝見在角角兗州分野升平元年五月大赦三年  
八月秦人寇樊鄧襄陽彭城四年二月襄陽陷朱序  
沒四月魏興陷賊聚廣陵三河無五六萬於是諸軍  
外次衝要丹楊尹屯衛京都六日兗州刺史謝玄討

賊大破之是時中外連兵比年三九倫  
四年十一月丁巳太白犯哭星占曰天子有哭泣事



晉書卷三十一  
五年七月景子辰星犯軒轅占曰女主當之九月癸未皇后王氏崩

六年九月景子太白晝見

七年十一月太白又晝見在斗占曰吳有兵喪

八年四月甲子太白又晝見在參占曰魏有兵喪是月桓沖征沔漢楊亮伐蜀並拔城略地八月苻堅自將彌百萬九月攻沒壽陽十月劉牢之破苻堅將梁成斬之殺獲萬餘人謝玄等又破苻堅於淝水斬其弟融堅大眾奔潰九年六月皇太后褚氏崩八月謝玄出屯彭城經略中州矣

九年七月景戌太白晝見十一月丁巳又晝見

十年四月乙亥又晝見于甲卯占曰魏國有兵喪是時苻堅大眾奔潰趙魏兵連相攻堅為姚萇所殺

十一年三月戊申太白晝見在東井占曰秦有兵臣疆六月甲申又晝見于與鬼占曰秦有兵時魏姚萇苻登連兵相征不息甲午歲星晝見在胃占曰魯有兵臣疆十二年慕容垂寇東阿崔遼寇河上姚萇假號安定苻登自立隗土呂光竊據涼土

十二年六月癸卯太白晝見在柳十月庚午太白晝見在斗



十三年正月景戌又書見十二月熒惑在角亢形色  
猛盛占曰熒惑失其常吏且棄其法諸侯亂其政自  
是後慕容垂翟遼姚萇符登慕容永並阻兵爭疆十  
四年正月彭城妖賊又稱號於皇立劉牢之破滅之  
三月張道破合鄉圍泰山向欽之擊走之是年翟遼  
又攻沒滎陽侵略陳項于時政事多弊君道陵遲矣  
十四年四月己巳太白書見于柳六月辛卯又書見  
于翼九月景寅又書見于軫十二月熒惑入羽林占  
並同上十五年翟遼掠司寇衆軍悉討不尅慕容垂  
之躋略并冀等州七月旱八月諸郡大水兗州又蝗  
前星占曰太子是時太子常有篤疾

十五年九月癸未熒惑入太微十月太白入羽林

十六年四月癸卯太白書見十一月癸巳月奄心

十七年七月丁丑太白書見十月丁酉又書見

十八年六月又書見

十九年五月又書見于柳六月辛酉又書見于輿鬼  
九月又見于軫

二十年六月癸酉太白書見七月丁亥太白

廿二年六月己巳月彗見于柳六月辛酉又書見于輿鬼  
十二月己巳月彗見于柳六月辛酉又書見于輿鬼



國子監州  
喉舌東西咸主塗蒸

二十一年二月壬寅太白晝見三月癸卯太白連晝

見在羽林占曰有兵起中軍兵起三月太白

晝見于胃占曰中軍兵起四月壬午太白入天囷占

曰為饑六月歲星犯天泣星占曰有哭泣事是年九

月帝崩隆安元年王恭等舉兵脅朝廷於是內外戒

嚴殺王國寶以謝之及連歲水旱三方動衆人饑

安帝隆安元年正月癸亥熒惑犯哭泣星占曰有哭

泣事四月壬午太白晝見五月庚申太白晝見六月

月姚興攻洛陽却恢遣兵討之冬姚襄死了略代了

魏王圭即位於中山其八月熒惑守天鉞占曰大臣

有誅

二年六月戊辰攝提移度失常歲星晝見在胃苑州

分野是年六月却恢遣鄧啓方等以萬人伐慕容寶

於滑臺敗而還閏月太白晝見在羽林十一月犯東

上相

三年五月辛酉月又奄東上相辛未辰星犯軒轅大

星占悉同上二年九月庚楷等舉兵表誅王愉等於

是內外戒嚴三年六月洛陽没于寇桓玄破荆雍州

殺殷冲堪等孫恩聚衆攻沒會稽殺內史



四年六月辛酉月犯哭泣星

五年正月太白晝見自去年十二月在斗晝見至于  
是月乙卯案占灾在吳越七月癸亥大角星散搖五  
色占曰王者流散丁卯月犯天關占曰王者憂九月  
庚子熒惑犯少微又守之占曰處士誅十月甲子月  
犯東次相其年七月太皇太后李氏崩十月妖賊大  
破高雅之柎餘姚死者十七八五年孫恩攻侵郡縣  
殺內史至京口進軍蒲洲柎是內外戒嚴恩遣別將  
攻廣陵殺三千餘人退據郁洲是時劉裕又追破之  
九月桓玄表至逆旨陵上十月司馬元顯大治水軍

將以伐玄元興元年正月盧循自稱征虜將軍  
恩餘衆略有永嘉晉安之地二月帝戎服遣西軍三  
月桓玄剋京都殺司馬元顯放太傅會稽王道子  
元興元年三月戊子太白犯五諸侯因晝見占曰諸  
侯有誅七月戊寅熒惑在東井熒惑犯輿鬼積尸占  
並同上八月晝見太白在斗會稽執法九月癸未太白犯  
進賢占曰進賢者誅

三年二月歲星犯西上將六月甲辰月奄斗第四星  
占曰大臣誅不出三年八月癸丑太白犯房北第二  
星九月己丑歲星犯進賢熒惑犯西上將十月甲戌



太白犯泣星十一月丁酉熒惑犯東上相十二月乙巳月奄軒轅第二星占悉同上升平元年冬魏破姚興寧二年十二月桓玄篡位放遷帝后於尋陽以永安何皇后為零陵君三年二月劉裕盡誅桓氏三年正月戊戌熒惑逆行犯太微西上相占曰天子戰於野上相死二月景辰熒惑逆行在左執法西北占曰執法者誅四月甲午月奄軒轅第二星五月壬申月奄斗第二星填星入梓林占並同上是年二月景辰劉裕殺桓脩等三月己未破走桓玄遣軍西討辛巳誅左僕射王愉桓玄如江陵五月亥

至崢嶸洲義軍破滅之桓振又攻沒江陵幽劫天子

七月永安何皇后崩

義熙元年三月壬辰月奄斗第二星占同上丁酉月奄

心前星占曰豫州有兵七月癸未月奄斗第二星占曰秦有兵七

月庚辰太白晝見在翼軫占曰臣弑荆州有兵喪

八月丁巳犯斗第一星占曰天下有兵一曰大臣憂

九月甲子熒惑犯少微占曰處士誅庚寅熒惑犯右

執法癸卯熒惑犯左執法占並同上十一月景戌太

白犯鉤鈴占曰喉舌憂十二月己卯歲星犯天關占

曰有兵亂河津不通十一月荆州刺史魏詠之薨二



年二月司馬國璠等攻沒弋陽四月姚興伐仇池公楊茂擊走之九月益州刺史司馬榮期爲其叅軍楊承祖所害三年十二月司徒揚州刺史王謐薨四年正月太保武陵王遵薨三月左僕射孔安國卒自後政在劉裕人主端拱而已

二年二月太白犯南斗占曰兵起巳丑月犯心後星占曰豫州有災四月癸丑月犯太微西上將巳本月犯房南第二星乙丑歲星犯天江占曰有兵亂河津不通五月癸未月犯左角占曰左將軍死天下有兵壬寅熒惑犯氏占曰氏爲宿宮人主憂六月庚午熒

惑犯房北第二星八月癸亥熒惑犯南斗第五星巳犯建星占曰爲兵九月壬午熒惑犯哭星又犯泣星是年二月甲戌司馬國璠等攻沒弋陽又慕容超侵畧徐兗三年正月又寇北徐州至下邳十二月司徒王謐薨四年正月武陵王遵薨五年慕容超復寇淮北四月劉裕大軍討之拔臨朐又圍廣固拔之

三年正月景子太白晝見在奎二月庚申月奄心後星占同上五月癸未月犯左角巳丑太白晝見在參占曰益州有兵喪臣彊八月巳卯太白犯左執法辛卯熒惑犯左執法九月壬子熒惑犯進賢星是年八



月劉敬宣伐蜀不尅而旋四年三月左僕射孔安國卒七月司馬叔璠等攻沒鄒山魯郡太守徐邕破走之姚略遣衆征赫連勃勃大爲所破五年劉裕討慕容超滅之

四年正月庚子熒惑犯天關五月丁未月奄斗第二星壬子填星犯天廩占曰天下饑倉粟少六月巳丑太白犯太微西上將乙卯又犯左執法十月戊子熒惑入羽林占悉同上五年劉裕討慕容超後南北軍旅運轉不息

五月二月甲子月犯昴占曰胡不安天子破匈奴五

月戊戌歲星入羽林九月壬寅月犯昴十月熒惑犯氏閏月丁酉月犯昴辛亥熒惑犯鉤鈴巳巳月奄心

大星占曰王者惡之是年四月劉裕討慕容超十月

魏王圭遇弒殂六年五月盧循逼郊甸宮衛被甲

六年三月丁卯月奄房南第二星灾在次相巳巳又

奄斗第五星占曰斗上吳吳地兵起太白犯五諸侯

占曰諸侯有誅五月甲子月奄斗第五星巳亥月奄

昴第三星占曰國有憂一曰有白衣之會六月巳丑

月犯房南第二星甲午太白晝見七月巳亥月犯輿

鬼占曰國有憂一曰秦有兵八月壬午太白犯軒轅



大星甲申月犯心前星災在豫州景戌月犯斗第五  
星占同上丁亥月奄牛宿南星占曰天下有大誅乙  
未太白犯少微景午太白在少微而晝見九月甲寅  
太白犯左執法丁丑填星犯畢占曰有邊兵是年三  
月始興太守徐道覆反四月盧循寇湘中沒巴陵率  
衆逼京畿是月左僕射孟昶懼王威不振仰藥自殺  
七年十二月劉蕃烏徐道覆首杜慧度斬盧循並傳  
首京都八年六月劉道規卒時為豫州刺史八月皇  
后王氏崩九月兖州刺史劉蕃尚書左僕射謝混伏  
誅劉裕西討劉毅斬首徇之十二月遣益州刺史朱

齡石伐蜀

七年四月辛丑熒惑入輿鬼占曰秦有兵一曰在州  
有災六月太白晝見在翼巳亥填星犯天關占曰臣  
謀主八月太白犯房南第二星十一月景子太白犯  
哭星其七月朱齡石尅蜀蜀又反討滅之

八年七月癸亥月奄房北第二星巳未月犯井鉞八  
月戊申月犯泣星十月辛亥月奄天關占曰有兵十  
一月丁丑填星犯東井占曰大人憂十二月癸卯填  
星犯井鉞是年八月皇后王氏崩九年誅劉蕃謝混  
討滅劉毅十二月朱齡石滅蜀



九年二月熒惑入與鬼占曰有兵喪太白犯南河占曰兵起五月壬辰太白犯右執法晝見七月庚午月奄鉤鈴占曰啖舌臣憂九月庚午歲星犯軒轅大星已丑月犯左角時劉裕擅命兵革不休十年裕討司馬休之王師不利休之等奔長安

十年正月丁卯月犯畢占曰將相有以家坐罪者二月巳酉月犯房北星五月壬寅月犯牽牛南星乙丑歲星犯軒轅大星占悉同上六月景申月奄氏占曰將死之國有誅者七月庚辰月犯天關占曰兵起熒惑犯井鉞填星犯與鬼遂守之占曰大人憂宗廟民

八月丁酉月奄牽牛南星占同上九月填星犯與鬼占曰人主憂丁巳太白入羽林十二月巳酉月犯西咸占曰有陰謀十一年林邑寇交州距敗之

十一年三月丁巳月入畢占曰天下兵起一曰有邊兵巳卯熒惑入與鬼閭月景午填星又入與鬼占曰為旱大疫為亂臣五月癸卯熒惑入太微甲辰犯右執法六月巳未太白犯東井占曰秦有兵戊寅犯輿鬼占曰國有憂七月辛丑月犯畢占同上八月壬子月犯氐占同上庚申太白順行從右掖門入太微丁卯奄左執法十一月癸亥月入畢占同上乙未月入

萬曆三十二年 五月廿三日 鄭仁三百七十九



輿鬼而暈

十二年五月甲申歲星留房心之間宋之分野始封  
 劉裕為宋公六月壬子太白順行入太微右掖門巳  
 巳月犯罪占同上七月月犯牛宿十月景戌月入畢  
 十三年五月景子月犯軒轅丁亥犯牽牛癸巳熒惑  
 犯右執法八月巳酉月犯牽牛丁卯月犯太微占曰  
 人君憂九月壬辰熒惑犯軒轅十月戊申月犯罪占  
 悉同上月犯箕占曰國有憂甲寅月犯罪占同上乙  
 卯填星犯太微留積七十餘日占曰亡君之戒壬戌  
 月犯太微

十四年三月癸巳太白犯五諸侯五月庚子月犯太  
 微七月甲辰熒惑犯輿鬼占曰秦有兵又為早為兵  
 喪亦曰大人憂宗廟改亦為亂臣時劉裕擅命軍旅  
 數興飢旱相屬其後李後晉室丁巳月犯東井占曰  
 軍將死八月甲子太白犯軒轅癸酉填星入太微犯  
 右執法因留太微留積二百餘日乃去占曰填星守  
 太微亡君之戒晉徙丁巳月乙未太白入太微犯左  
 執法丁巳入太微占曰大人憂十月甲申月入太微  
 癸巳熒惑入太微犯西掖門上將仍順行至左掖門內  
 留二十日乃逆行義熙十二年七月劉裕伐姚泓十



三年八月擒姚泓司徒秦雍悉平十四年劉裕還彭城受宋公十一月左僕射前將軍劉穆之卒明年西虜寇長安雍州刺史朱齡石諸軍陷沒官軍捨而東十二月帝崩

恭帝元熙元年正月景午三月壬寅五月景申月皆犯太微占悉同上乙卯辰星犯軒轅六月庚辰太白犯太微七月己卯月犯太微太白晝見自義熙元年至是太白經天者九月蝕者四皆從上始革代更王臣失君之象也是夜太白犯哭星十二月丁巳月入太白俱入材

二年三月庚午填星犯太微占悉同上元年七月劉裕受宋王是年六月帝遜位于宋妖星客星

魏文帝黃初三年九月甲辰客星見太微左掖門內占曰客星出太微國有兵喪十月帝南征孫權是後累有征役

六年十月乙未有星孛于少微歷軒轅占為兵喪除舊布新之為時帝軍廣陵辛丑親御甲冑觀兵明年五月帝崩

明帝太和六年十一月景寅有星孛于星近太微上



將星占曰為兵喪甘氏曰孛星所當之國是受其殃  
翼又楚兮野孫權封略也明年權有遼東之敗又明  
年諸葛亮入秦川孫權發兵緣江淮屯要衝權自圍  
新城以應亮天子東征權

青龍四年十月甲申有星孛于大辰長三尺乙酉又  
孛于東方十一月己亥孛星見犯宦者天紀星占曰  
大辰為天王天下有喪劉向五紀論曰春秋星孛于  
東方不言宿者不加宿也宦者在天市為中外有兵  
天紀為地震孛主兵喪

景初元年六月地震九月十月宋然圍江夏皇后毛

氏崩二年正月討公孫文懿三年正月明帝崩

景初二年八月孛星見張長三天逆西行四十一日  
滅占同上張周多野十月癸巳客星見危逆行在離  
宮北騰蛇南甲辰犯宗星巳酉滅占曰客兵所出有  
兵喪虛危為宗廟又為墳墓客星近離宮則宮中將  
有大喪就先君於宗廟之象也三年正月帝崩

少帝正始元年十月乙酉孛星見西方在尾長二丈  
拂牽牛犯太白十一月甲子進犯羽林占曰尾為燕  
又為吳牛亦吳越之分太白為上將羽林中軍兵為  
吳越有喪中軍兵動二年五月吳遣三將寇邊吳太



子登卒六月宣帝討諸葛恪於皖太尉滿寵薨

六年八月戊午彗星見七星長二尺色白進至張積

二十三日滅七年十一月癸亥又見軫長一尺積百

五十六日滅九年三月又見昴長六尺色青白芒西

南指七月又見翼長二尺進至軫積四十二日滅案

占曰七星張為周分野翼軫為楚昴為趙魏彗所以

除舊布新主兵喪也嘉平元年宣帝誅曹爽兄弟及

其黨與皆夷三族京師嚴兵三年誅楚王彪又襲王

凌於淮南淮南東楚也魏諸王幽於鄴

嘉平三年十一月癸亥有星守于營室西行積九十

日滅占曰有兵喪室為後宮後宮且有亂

四年二月丁酉彗星見西方在胃長五六丈色白芒

南指貫參積二十日滅

五年十一月彗星又見軫長五丈在太微左執法西

東南指積百九十日滅案占胃兖州之分野參主兵

太微天子庭執法為執政李彗為兵喪除舊布新之

象正元元年二月李豐豐弟翼后父張緝等謀亂皆

誅皇后亦廢九月廢帝為齊王

高貴鄉公正元元年十一月白氣出南斗側廣數丈

長竟天王肅曰蚩尤之旗也東南其有亂乎二年正



國子監刊  
月有彗星見于吳楚分西北竟天鎮中入將軍毋丘  
儉等據淮南叛景帝討平之案占畢尤旗見王者征  
伐四方自後又征淮南西平巴蜀是歲吳主孫亮五  
鳳元年也斗牛吳越分案占吳有兵喪除舊布新之  
象也太平三年孫綝盛兵圍宮廢亮為會稽王故國  
志又書於吳也淮南江東同揚州地故于時變見吳  
楚楚之分則魏之淮南多與吳同災是以毋丘儉以  
李為已應遂起兵而敗後三年即魏甘露二年諸葛  
誕又反淮南吳遣將救之及城陷誕衆與吳兵死沒  
各數萬人猶前長星之應也

甘露二年十一月彗星見角色白占曰彗星見兩角  
間色白者軍起不戰邦有大喪景元元年高貴鄉公  
為成濟所害

四年十月丁丑客星見太微中轉東南行歷轆宿積  
七日滅占曰客星出太微有兵喪景元元年高貴鄉  
公被害

元帝景元三年十一月壬寅彗星見亢色白長五寸  
轉北行積四十五日滅占曰為兵喪一曰彗星見亢  
天子失德四年鍾會鄧艾伐蜀剋之二將反亂皆誅  
咸熙二年五月彗星見王良長丈餘色白東南指積



十二日滅占曰王良天子御駟彗星墜之禪代之表  
除舊布新之象也白色為喪王良在東壁宿又并州  
之分野八月文帝崩十二月武帝受魏禪

武帝泰始四年正月景戌彗星見軫青白色西北行  
又轉東行占曰為兵喪軫又楚分野三月皇太后王  
氏崩十月吳寇江夏襄陽

五年九月星孛于紫宮占如上紫宮天子內宮十年  
武元楊皇后崩十年十二月有星孛于軫占曰天下  
兵起軫又楚分野

咸寧二年六月日成星孛于氏占曰天子失德易政

氏又兗州今七月星孛于大角為帝坐八月星孛

太微至翼北十月星孛于大微天子庭大人惡之一

曰有政王翼又楚分野北斗星孛三台為三公

三年正月星孛于西方三月星孛于胃胃徐州今四

月星孛于女御女御為後宮五月星孛于東方七月星

孛紫宮占曰天下易王

四年四月蚩尤棋見于東井後年傾三方伐吳是其

應也

五年三月星孛于柳四月又孛于女御七月孛于紫

宮占曰外區陵主柳又三河分野太用太微紫宮女

易刊



御並為王者明年兵亡是其旗也其喪征吳之  
後三河徐兗之兵悉出交戰於吳楚之地吳丞相都  
督以下擄戮十數備押行陣之徒餓斃萬計皆其徵也  
太康二年八月有星孛于張占曰為兵喪十一月星  
孛于軒轅占曰後宮當思之

四年三月戊申星孛于西南是年齊王攸任城王陵  
琅邪王仙新都王詠薨

八年九月星孛于南斗長庚天十餘日咸占曰斗  
主爵祿國有大變一曰... 大亂兵起

太熙元年四月客星在紫宮占曰為兵喪太康末武  
帝耽宴遊多疾病是月己酉帝崩永平元年賈后誅  
楊駿及其黨與皆夷三族楊太后亦見弑又誅汝南  
王亮太保衛瓘楚王瑋王室兵喪之應也

惠帝元康五年四月有星孛于奎至軒轅太微經三  
台大陵占曰奎為魯又為庫兵軒轅為後宮太微天  
子庭三台為三司太陵有積尸死喪之事其後武庫  
火西羌反後五年司空張華遇禍賈后廢死魯公賈  
謐誅又明年趙王倫篡位於是三王興兵討倫兵士  
戰死十餘萬人



永康元年三月妖星見南方占曰妖星出天下大兵將起是月曹后殺太子趙王倫尋廢殺后斬司空張華又廢帝自立於是三王並起迭搃天權其十二月彗星出牽牛之西指天市占曰牛者七政始彗出之改元易號之為也天市一名天府一名天子樞帝坐在其中明年趙王倫篡位改元尋為大兵所滅

二年四月彗星見齊分占曰齊有兵喪是時齊王罔起兵討趙王倫倫滅罔擁兵不朝專權淫奢明年誅太安元年四月彗星見齊分占曰齊有兵喪之象二年三月彗星見齊分占曰齊有兵喪之象二年三月彗星見齊分占曰齊有兵喪之象

烈三公三年正月東海王越執太尉長沙王又張方又殺之

永興元年五月客星守畢占曰天子絕嗣一曰大臣有誅時諸王擁兵其後惠帝失統終無繼嗣

二年八月有星孛于昴畢占曰為兵喪昴畢又趙魏分野十月丁丑有星孛于北斗占曰璇璣更移天子出走又曰疆國發兵諸侯爭權是後諸王交兵皆有應明年惠帝崩

成帝咸和四年七月有星孛于西北犯斗占曰三日派占曰為兵亂十二月郭默殺江州刺史劉胤荊州



刺史陶侃討默然斬之時石勒又始僭號

咸康二年正月辛巳彗星夕見西方在奎占曰為兵

喪奎又為邊兵三年正月石季龍僭天王位四年石

季龍伐慕容皝不尅既退皝追擊之又破麻秋時皝

稱蕃邊兵之應也

六年二月庚辰有星孛于太微七年三月杜皇后崩

康帝建元元年十一月六日彗星見亢長七尺白色

占曰亢為朝廷主兵喪二年康帝崩

穆帝永和五年十一月乙卯彗星見于亢芒西向色

曰長一丈六年正月丁丑彗星又見于亢占曰為兵

喪疾疫其五年八月褚裒北征兵敗十一月冉閔殺

石遵又盡殺胡十餘萬人仁是中土大亂十二月褚

裒薨是年大疫

升平二年五月丁亥彗星出天船在胃占曰為兵喪

除舊布新出天船外夷侵一曰為大水四年五月天

下大水五年穆帝崩

哀帝興寧元年八月有星孛于角亢入天市案占曰

為兵喪三年正月皇后王氏崩二月帝崩三月慕容

恪攻沒洛陽沈勁等戰死

海而太和四年二月客星見紫宮西垣至七月乃滅



占曰客星守紫宮臣弒主六年極溫廢帝為海西公  
孝武寧康二年正月丁巳有星守于女虛經氏亢角  
軫翼張至三月景戌彗星見於氏九月丁丑有星守  
于天市占曰為兵喪太元元年七月苻堅破涼州虜  
張天錫

太元十一年三月客星在南斗至六月乃沒占曰有  
兵有赦是後司雍亮冥常有兵役十二年正月大赦  
八月又大赦

十五年七月壬申有星守于北河或經太微三台文  
星入北斗色白長十餘丈八月戊戌入紫宮乃滅占

曰北河或一名胡門胡門有兵喪瑞太微入紫微王  
者當之三台為三公文昌為將相三公有災入  
北斗諸侯弒一曰掃北斗疆國發兵諸侯爭權大人  
憂二十一年帝崩隆安元年王恭殷仲堪桓玄等並  
發兵表以誅三國實為名朝廷順而殺之并斬其從  
弟緒司馬道子由是失勢禍亂成矣

十八年二月客星在尾中至九月乃滅占曰燕有兵  
喪二十年慕容垂自寶伐魏為所破死者數萬人二  
十一年垂死國遂衰亡

二十年九月有彗星如粉絮東南行歷女虛至哭星



占曰蓬星見不出三年必有亂臣戮死於市是時王國寶交構朝廷二十一年九月帝崩隆安元年王恭等興兵而朝廷殺王國寶王緒

安帝隆安四年二月己丑有星孛奎長三丈上至閣道紫宮西蕃入北斗魁至三台三月遂經于太微帝坐端門占曰彗星掃天子庭閣道易主之為經三台入北斗占同上條十二月戊寅有星孛于貫索天市天津占曰貴臣獄死內外有兵喪天津為賊斷土道天下不通案占灾在吳越五年二月有孫恩兵亂攻於是內外戒嚴營陣屯守柵斷淮口九月桓

玄表至逆青陵上其後玄表篡位亂京都大飢人相食百姓流亡皆其應也

元興元年十月有客星色白如粉絮在太微西至十二月入太微占曰兵入天子庭二年十二月桓玄篡位放遷帝后於尋陽以永安何皇后為零陵君三年二月劉裕盡誅桓氏

義熙十一年五月甲申彗星二出天市掃帝坐在房心北房心宋之分野案占得彗柄者興除舊布新宋興之象

十四年五月庚子有星孛于北斗魁中七月癸亥彗



星出太微西柄起上相星下芒漸長至十餘丈進埽  
北斗紫微中台占曰彗出太微社稷亡天下易王入  
北斗紫微帝宮空十四年劉裕還彭城受宋公十二  
月帝崩

恭帝元年正月戊戌有星孛于太微西蕃占曰革命  
之徵其年宋有天下

星流隕

蜀後主建興十二年諸葛亮帥大衆伐魏屯于渭南  
有長星赤而芒角自東北西南流投亮營三投再還  
沓大還小占曰兩軍相當有大流星來走軍上及墜

軍中者皆破敗之徵也九月亮卒于軍焚營而退群  
帥交怨多相誅殘

魏明帝景初二年宣帝圍公孫文懿於襄平八月景  
寅夜有大流星長數十丈白色有芒鬣從首山東北  
流墜襄平城東南占曰圍城而有流星來走城上及  
墜城中者破又曰星墜當其下有戰場又曰凡星所  
墜國易姓九月文懿突圍走至星墜所破斬屠城坑  
其衆

元帝景元四年六月有大流星一並如斗見西方分  
流南北光照地隆隆有聲案占流星為貴使星大者



使大是年鍾鄧寇蜀二星蓋二帥之象二帥相背又  
分流南北之應鍾會既叛三軍憤怒隆隆有聲兵將  
怒之徵也

武帝泰始四年七月星隕如雨皆西流占曰星隕為  
百姓叛西流吳人歸晉之象也二年吳夏口督孫秀  
率部曲二千餘人來降

太康九年八月壬子星隕如雨劉向傳云下去其上  
之象後三年帝崩而惠帝立天下自此亂矣  
惠帝元康四年九月甲午枉矢東北行竟天

六年六月景午夜有枉矢自斗魁東南行案占曰以  
亂伐亂北斗主執殺出斗魁居申執殺者不直之為  
也是後趙王後張毅殺晉太子以理太子之寃因自篡

盜以至屠滅以亂伐亂之應也一曰氏帥齊萬年反  
之應也

太安二年十一月辛巳有星隕中天下北下光變白  
有聲如雷案占曰星隕者有聲者所在下有火其流血  
明年魏元帝崩於許昌城下多斷殘滅王浚起燕代

引鮮卑攻許昌城中有聲如雷怒之象也  
永興元年十月有星隕中天下北下光變白有聲  
二年十月有星隕中天下北下光變白有聲

嘉泰元年十月有星隕中天下北下光變白有聲  
同上是後遂亡中夏



光熙元年五月枉矢西南流是時司馬越西破河間  
兵奉迎大駕尋收繆胤何綏等肆無君之心天下惡  
之及死而石勒焚其屍柩是其應也

懷帝永嘉元年九月辛卯有大星如日自西南流于  
東北小者如斗相隨天盡赤聲如雷占曰流星為貴  
使星大者使大是年五月汲桑殺東燕王騰遂據河  
北十一月始遣和郁為征北將軍鎮鄴西田甄等大  
破汲桑斬于樂陵於是以甄為汲郡太守弟蘭鉅鹿  
太守小星相隨者小將之象也司馬越忿魏郡  
以東平原以南皆實於桑以冀甄等於是侵掠桑地

有聲如雷忿怒之象也

四年十月庚子大星西北墜有聲尋而帝蒙塵于

平陽

元帝太興三年四月壬辰枉矢出虛危沒翼軫占曰  
枉矢而觸天下之所伐翼軫荊州之分野太寧二年  
王敦殺王承及甘卓而敦又梟夷枉矢觸翼之應  
永昌元年七月甲午有流星大如瓮長百餘丈青赤  
色從西方來尾分為百餘歧或散時王敦之亂百姓  
流亡之應也

成帝咸康三年六月辛未流星大如二斗魁色青赤  
光耀地出奎中沒婁北衆占為饑五穀不歲是月大



旱饑

六年二月庚午朔有流星大如斗光耀地出天市西  
行入太微占曰大人當之八年六月成帝崩  
穆帝永和八年六月辛巳日未入右流星大如三斗  
魁受度已上東南行晷度推之在箕斗之間蓋燕分  
也案占為營首然營首之下流血滂沱是時慕容儁僭  
稱大燕攻伐無已

十年四月癸未流星大如斗色赤黃出織女没造父  
有聲如雷占曰燕齊有兵百姓流亡其年十二月慕容  
儁請遂據臨淄慕容儁有欲其月翼之地緣河諸將奔散

河濟間慕容恪女齊

升平二年十二月枉矢自東南流于西北其長半天  
四年十月庚戌天狗見西南占曰有大兵流血

海西太和四年十月壬申有大流星西下有聲如雷  
明年遣使免袁真為庶人桓溫征壽春真病死息瑾  
代立求救於苻堅溫破苻堅軍六月壽春城陷

孝武太元六年十月乙卯有彗星東南經翼輪聲如  
雷占曰楚地有兵軍破百姓流亡十二月苻堅薊州

刺史梁成襄陽太守閻震率眾伐竟陵桓石虔擊大  
破之生擒震斬首七千獲生口萬人聲如雷將帥怒



之象也

十三年閏月戊辰天狗東北下有鼓占曰有大戰流  
血自是後慕容垂羅遠姚萇苻登慕容永並阻兵爭  
鬪十四年正月彭城妖賊又稱偽號於皇丘劉牢之  
破滅之三月張道破合鄉太山向欽之擊走之  
安帝隆安五年三月甲寅流星赤色衆多西行經寧  
牛虛危天津閣道貫太微紫宮占曰星庶人類衆多  
西行衆將西流之象經天子庭主弱巨疆諸侯兵不  
制其年五月孫恩侵吳郡殺內史六月至京口於是  
內外戒嚴營陣屯守劉裕追破之元興元年七月六

饑人相食

千又流

之軌

雲氣

惠帝

整

為天

光顯

夜

亂



滅

走

走

走

走

走

走

走

走

走



懷帝永嘉三年十二月之亥有白虹如帶出南北方  
各二起地至天貫於伐中占曰天下大兵起四年三  
月司馬越收緝胤等又三方雲擾攻戰不休五年三  
月司馬越死於寧平城石勒攻破其衆死者十餘萬  
人六月京都焚成帝如虜庭  
愍帝建興元年十月己巳夜有赤氣曜於西北荊州  
刺史陶侃討杜弼之黨於石城戰敗

志第三

天文下

晉書十三